

ርእሰ ኢሰያስ አፈወርቂ ጀርባ ቀትል ዐብደላ ሐምዶክ ሰ'ቀ

ሕክሙት ኤረትሮፖ እት የም 9 ማርች እት መደነት ከርቱም እት ርኢስ ወዘራእ ሱዳን ዶክተር ዐብደላ ሐምዶክ ለጀሬት ጀርባ ቀትል እብ ደቅብ ሰ'ቀት።

ርእሰ ኢሰያስ አፈወርቂ፡ ማሌ የም 10 ማርች እት ርኢስ መጅልስ ሲያዲ ሱዳን ጀነራል ዓብዱልፋታሕ አልቡርሃን እት ነድአየ ልእክት፡ እሊ መዋዲት እኩይ ናይ ቅዋት ፍተን ወሴድየቶም፡ እግለ እት ሱዳን ባይእ ለህለ ለልትሐመድ ተቅይር እግል ሐምረጎት እግል ልንሰእወ ዱሉያም ለህለው ምስዳር ቦቲክ ሰእየት፡ ተአምርተ ናየ ክምቱ ሸርሐ።

ርእሰ ኢሰያስ እት ልእክቱ፡ ሕክሙት ሱዳን ጽባባት ናይለ ለወድቀ ንዝም እንዴ ወርኬት፡ መሳልሕ ሸዐብ ሱዳን እግል አድመኖት ወእት ሰላም ወመሰከብት መንጠቀትን አሆታይ ዶር እግል አግደየት እት ትወድዩ ህሌት ጅህድ ታመት ሰዳይት ወምሰንዮት ሕክሙት ኤረትሮፖ ክም ኢትትፈንተየ እብ ድግማን አከደ።

ሓድረት ሓለት ወጠን ለከሰስ ሰሚራት ጉብኣ

ዲብ ሓድረት ሓለት እት ክምሰልሁመ አብካት ወተሐድያት ቦራምጅ ሸቅል ሰነት 2020 ወምት ወኬን ለረከዘ ሰሚናራት እብ ውቁላም መስኡሊን ጀብህት ሸዐብየት እግል ዲሞቅራሲያት ወዐዳለት ዲብላ ትፈናተ መዳይን ተህየቡ።

እሊ ዲብ ናይ እቅትሳድ፡ ዓዳት፡ አምን፡ ዲፕሎማሲያት ውብዕድ ቦራምጅ እብ መጅብለ ህለ አብካት ወተሐድያት ታየኖት መስተቅብል፡ ለአመመ ሰሚናራት፡ ዲብ የም 4 ማርች እብ መስኡል ሸኡን እቅትሳድ ጀብህት ሸዐብየት እግል ዲሞቅራሲያት ወዐዳለት አሰይድ ሐጎስ ገብረሂወት ዲብ ባጼዕ፡ ወዘር ካርጅየት አሰይድ ዐ-ሰማን ሳልሕ ወመስኡል ሸኡን ሲያሰት ጀብህት ሸዐብየት እግል

ዲሞቅራሲያት ወዐዳለት አሰይድ የማኔ ገብረኣብ ዲብ የም 5 ማርች እት አሰመረ፡ ዲብ የም 6፡ 7 ወ10 ማርች ህይ እት ከረን፡ መንደፈረ ዐሰብ ወባርንቶ እብ ስክርቲር ጀብህት ሸዐብየት እግል ዲሞቅራሲያት ወዐዳለት አሰይድ አልአሚን መሐመድ ሰዲድ፡ ወኪል አምን ወጠን ብርጋዴር ጀነራል አብርሃ ካሳ ዲብ መንደፈረ፡ መስኡል ሸኡን ሲያሰት ጀ/ሸ/ዲ/ዐ አሰይድ የማኔ ገብረኣብ ዲብ ዐሰብ ወወዘር ወልደንኪኤል አብርሃ ዲብ ባርንቱ እግል ውቁላም ሰብ መዘ መአሰሳት ሕክሙት ወጀብህት፡ እት-ክምሰልሁመ ቅያደት ዲሸ እብ ሀበው ሸርሕ አተላለ።

ተፋሲሉ ዲብ ገጽ 2 ህለ እኩም።

ዕያደት ቡየ ክድመት ሰኔት ትቀድም

እት ምዴርየት ገልዑሉ እዳረት ደዋይሕ ቡየ ለህሌት ዕያደት፡ ዲብ አድመኖት ዓፍየት መዋጥኒን እብ ዓመት እማት ወአጀኒት ህይ እብ ፍንቲት ዶር ሰኔ ትቀድም ክም ህሌት ኤሪን ለትሰአለቶም መትንፍዐት ሸርሐው።

ለዕያደት፡ መዋመጦርለ ተህይቡ ከደማት፡ ፈሀምም ዲብ ከደማት ዓፍየት ዋወር እግል ልዕቤ አትፋዝያት ወመሓደራት ከም ተህይብ እንዴ ሐበረው ለረአየም ለሀበው፡ እብሊ ሕማማት ወሞት እማት ወአጀኒት ዲብ ነቅሰ መጽእ ክም ህለ አብርሀው።

ምን ቅሩብ ረክቡ ለህለው ከደማት ዓፍየት፡ ዲብ መናበረቶም

መርሀዮ ከም ገብኣ እንዴ ሐበረው ለመትንፍዐት፡ አህለየት መስከብ ሐማይም ምን ረዩም እግለ መጽእ ሐማይም ተአሲር ወዴ እቶም ሰበት ህለ፡ እለ መስከለት እለ ሐል እግል ትርኩብ አትፋቀደው።

ሴድያይ ኔርስ ዐ-ሰማን ዐብደላ እት ሀበየ ሐብሬ፡ ዲብ ዕያደት፡ ከደማት መዐመል፡ መራዐየት ቀደም ወግረ ወሊድ፡ ፍድኢት፡ መርዒት እም ወጅኑ ወብዕድ ከም ልትህየብ እንዴ ሐበረ፡ ለህለ መጋድዕት ኣላት ወጭብ ቁረፍ ሐል እግል ልርኩብ አትሳናይ እግል ልግባእ ትፋነው።

ዕያደት ቡየ፡ ዲብ አርበዕ ደገጊት ለነብራህ ሐድ 700 ዓይላት እግለን ክድመት ተህይቡ።

ሰማን ማርች እት አሰመረ እብ ነያረት ትዘክረት



8 ማርች - እድንያይት አምዕል አንሳት፡ “እግል ሕርየት ታመት ቀደም ነኣጽር ” እብ ትብል ሰቅራት፡ እብ ደረጀት አቅሊም ዲብ አሰመረ እብ ነያረት ትዐየደት።

እት ዲብ ሐረት ኤክሰፖ ለጉብኣት ዓደት፡ መስኡለት ማሕበር ወጠን አዋልድ አንሳት ኤረትሮፖ አቅሊም ምግብ አሰይደ አለም ባላይ እት አሰመዐት ከሊመት፡ እተለ ባይኣመ ለህሊን ምዕራፍ ታሪክ ሐዲሴ፡ ለእብ ግድለ ረዩም ለበን መሳዋት አንስ ወተብዐት ለለኣክድ

መባድእ ወሰዋልፍ ወጂብ እንዴ ሐፈዘኑ እት ትወቀለት ደረጀት እግል ልትበጻሕ ገለድን ለነሐድስ እት ክምተ አትፋቀደት።

ኤረትሮፖ ዲብ ቀድየት አንሳት ለሰጀለት ዐውቴ ለትትሐመድ ምንማተ፡ ለተርፈ እግል ልትመም ወበቃዐት አንሳት እግል ትትወቀል፡ ወመትንፍዐት ክሱት ለህለ አብካት ዐቢ እግል ልግባኦ፡ ካድም ክም ተኣትሐዜ ለሐበረት አሰይደ አለም፡ ንዩትን ወቀሎት ሐዳረት ሐቆ ጉብኣ፡ እሊ እግል ልትሐቀቅ መቅደረት

ወበቃዐት ክሉ መጅተማዕ እንዴ ዓቤክ ሌጠ ክም ቱ ሸርሐት።

ዲብ አቅሊም እብ መናሰበት 8 ማርች እድንያይት አምዕል አንሳት ምን የም 2 ማርች እንዴ አንበተ ሰሚናራት ውብዕድ ቦራምጅ ለሰርገል ክም ጸንሐት ልትአመር።

8 ማርች እድንያይት አምዕል አንሳት እብ ደረጀት ዓለም እግል 109 ዲብ ኤረትሮፖ እግል 41 ኢነት ትዘክር ህሌት።

ቅርሪ፡ አትሐደሮት ደገጊት ለከሰስ ተውዴሕ ልትህየብ

ዲብ ምዴርየት ቅርሪ፡ ዲብ መትከምካም ደገጊት ወአትሳናይ አግቡይ ለልትሐመድ ወቀይ ክምሰል ትሰርገለ መዲርለ ምዴርየት አሰይድ እድሪስ ዐሊ መሐመድ ሸርሐ።

አሰይድ እድሪስ፡ እግል ኤሪን እት ሀበየ ሐብሬ፡ ዲብ እለ ሰነት ግዳርን እብ መትግምን ሸዐብ፡ ሸቃለ ሕክሙት ወጄሸ እብ ትሰርገለ ወራታት ኬው፡ ዝያድ 200 ኪሎሜተር ለሪሙ እግል እዳራት ደዋይሕ እምህሚሚ - ግርይቶ- ፋሕ - ብሌቃት - ሐዋረት ክምሰልሁመ ገበይ እምህሚሚ - ቀብር-ወአት

አራግ ለለአትራክብ ክምሰል ሰነ ወደሐ።

ሸዐብ ክዳማት እጅትማዕየት ታምም እግል ልርኩብ፡ መትከምካም ደገጊት አሳሲ ክምሰልቱ ለሐበረ አሰይድ እድሪስ፡ እብ አሳሲ እሊ ግልዕ ወጠርብ እት አራግ ብዕድ ደገጊት ህይ ዲብ ሐሊበት ወሕሸክብ እግል ልትጀመሪ ምሰል ሸዐብ እብ ገብኣት መፋህመት ለበርናምጅ ልትሸቁ እቱ ክምሰል ህለ አትአመረ።

ሸዐብ ርቱብ ከደማት መዋሰላት ሐራት ጀላብ እግል ልርኩብ ምሰል ለከሰሶም ጀሃት ክምሰል

ተሃን፡ አሰክ እምህሚሚ ለለኣቱ አግደ ከዋ አትሳናይ ገብኣ እሉ ምንገብኢ፡ ክድመት ክምሰል ረክቦ ክምተሐበረየም ለአሸረ አሰይድ እድሪስ፡ ለቃሊ ዐውል ለለኣደፈያ ሰብ መካይን እግል ራቀባት እብ ደረጀት ምዴርየት ልጅነት ክወንት ክምሰል ህሌት ሸርሐ።

መዲር ምዴርየት ቅርሪ፡ አሰይድ እድሪስ ዐሊ ዲብ ደንጎቤ ዲብ ክሉ ድዋራት መዳርስ ክሱት ዲብ እንቱ መሻረክት ደረሰ ላኪን ሰኔ ድህር ሰበት ህሌት፡ ለከሰሶም ጀሃት እብ ዓመት ወዋልዴን እብ ፍንቱይ እህትማም እግል ለሆቡ ተሐሰቡ።



ሓድረት ሓለት ለከሰሰ ሰሚናራት ጉብኦ

ሰሚናር ለወደው ሰላም፡ መስከብት ሲያሰት አምን ወጠንኝ እግል ልትሐፈዝ ወልትደቀብ፡ ውሕደት ወውፋቅ ሽዑብን ሕፍዘት ወብንዩት፡ ሰዋልፍ ሙጅተማሳ ወሰውረትን አደቀቡት፡ ድድ አከይ መዋዲት ከዲም፡ ሕፍዘት ቃትን ወንዝም፡ መሻረከት አፍረዮት ወፍዋር መዋዋኒን አግደ ህዬ ሽባብ አደቀቡት ምን አግደ በራምጅ ሲያሰት ሰነት 2020 ክም ቶም እንዴ ሐበረው፡ ምኑ ለልትባሽ ፈሀም፡ መትዝም ወጽዋር ምህነት ለታክያቱ በራምጅ ወራታት እግል ልትሰርገል ክምቱ ሸርሐው።

አብነት ቀበት ዐድ እበ ከሰሰ ዲበ ሀበው ተውድሕ፡ ሰላምን ወውፋቅን አሳሰ ዐማርን ወሕሸመትን ሰበት ቱ፡ እግል ንዕቀቡ፡ መዋ-መጦሩ ህዬ አፍካር ፈናታይ ወኢወጠንዮት እግል ልትዘራእ እብ ቀበት ዐድ ልግባእ ወካርጅ ለጉብኦ ጀርቤታት፡ መቅጠን እንዴ አጭቡብን እቱ፡ እግል ንጋብሁ ከም ለአትሐዜ እንዴ ሐበረው፡ ለሐልፈ መራሕል ሰዱድ ለትዐደ፡ ወጠንዮት፡ ስሙድ፡ መትዝም፡ ምህናት ወተዐለም ዲብ ዐድ ወካርጅ ናይለ ሀለ ሽዑብን፡ እተክምሰህልሁመ ጀብህት ሽዑብዮት ወሕኩመት ኤረትርዮ ለመሉኩ አሳሰ ዐውቴን ላተ ሩእየት ዋድሐት፡ ዐገል ራትዕ፡ ሕርየት ዐገል፡ ደማንት ኖሴ፡ ደሚር መስከብት ከምቱ እብ ተፋሲል እንዴ ሸርሐው፡ እብ ትሉሉይ እግል ልትበኔ ክም ወጅብ አፍሀመው።

በራምጅ ዐማር እበ ከሰሰ ህዬ፡ ለሀደፍ አከዶት ዐቦት እቅትሳድ ወዐዳለት እጅትማዕየት፡ አሳሲ ከደማት እጅትማዕየት፡ ሃም ፍገሪቱ ህዬ አዋፍሐት መናበረት መዋዋኒን ክምቱ እንዴ ሸርሐው፡ እሊ እግል ልትሐቀቅ ዲብ ጠወርት መቅደረት አዳም፡ ብንዮት አክላቅያት ሸቅል ወእዳረት፡ ብንዮት ትሕትዮት፡ አብያት ሰከን፡ አፍራይ ወአፍረዮት፡ እተክምሰህልሁመ አቅለሎት መሻክል መናበረት እቱ ክሰአት ረአሰማል እግል ትግባእ ክምቱ ወድሐው።

እንዴ አትለው ህዬ፡ ሐቆ መትፈራም “እትፋቅየት ሰላም ወመዓወነት ፍንጌ ኤረትርዮ ወኢትዮጵዮ፡ አሰረ ለመጽአት መዓወነት ወሸራከት መንጠቀት እትሊ ወክድ እሊ በክት ዐቢ ካሰተት ክም ህሌት መዋ-መጦሩ ናይ ከርሰ ወበረ ተሐድያት ከም ሀለ እንዴ ሐበረው፡ እብ አርት መርበይ እግል ንጌርር ወተሐድያትን እብ ዐውቴ እግል ንትዐዴ፡ ዲብ ዐድኑ፡ ድዋርን

ወወዓለም ለሀለ ቴለል እብ ዋጅብ እግል ንፍሀም ናይ ሕበር መፍሀም እግል ለህሌ እነ ክም ወጅብ አብረሀው።

ከመ ዲብ ሐለት ሕውነ ለሀለ ዲብ ሕውናመ ሐለት ክም ህሌት፡ ጌማም ሐለት ወሕውነ ወአብነት ወተሐድያት ተርጀመት ለተህሌ እግሉ፡ ሓለትክ እብ ዋጅብ እግል ትፍሀም ወበራምጅክ እግል ትኤትን ለነፍዕ ላኪን፡ እብ መጅብ ፍድብ ወሕምቅ ናይ ሐቱ ጀሀት ሌጠ እንዴ ኢጉብእ፡ ምስል ናይ አባያም አው ምስልክ ለልትጃገር ቴለልመ ዶል ልትመዘን፡ ክምቱ ሐቆ ሸርሐው፡ ፍድብን ወሕውናን፡ አብነትን ወተሐድያትን እብ ዋጅብ እንዴ አሌሌ፡ እግል አድመኖት መስተቅበል ወጠን ባርህ፡ እብ ተአሰትህል እንዴ ትጸበጠ ልትከደም እቱ ክም ሀለ ሸርሐው።

እብ ሰበት በራምጅ ሸራከት መንጠቀት ወዳይ ዲፕሎማሲየት ተውድሕ እንዴ ሀበው፡ መመቅረሐት ለሰሚናር፡ ምስል ኢትዮጵዮ ክሉቅ ለሀለ አዋይን ሰላም ሕፍዘት ወደቀቡት፡ ሰላም ወመስከብት እተክምሰህልሁመ ዐማር ሕበር ለሀደፋ መዓወናት ምስል ፈተኛ ወሰብ ሸርከት አደቀቡት፡ ጋብሆት ወአፍሸሎት ዐዳዋት ወፈርሀት ከምስል ከምክም እብ ተፋሲል ሐቆ አብርሀው፡ እሊ በራምጅ እሊ ዲብ ሰነት 2020 እብ መትሐሳር ዛይድ እብ ፋይሕ እግል ልሰርገል ክም ቱ ወአንቡት ክም ሀለ አፍሀመው።

እት ደንገብ፡ ዲብ ክሉ በራምጅ መሻረከት ዲብ ዐድ ወካርጅ ለነብር ሽዑብን አህምየት ክም በ እንዴ ሐበረው፡ በራምጅ ወጠን ሰነት 2020 እበ ተአደምዕ ገበይ እንዴ ሰርገልን ዲበ ጠፍሐት ወትወቀለት ደረጀት እግል ንብጻሕ፡ ክለን መአሰሳት ዐድኑ፡ ከዋድር ወአንፋር ጀብህት ሽዑብዮት እግል ዲሙቅራዊየት ወዐዳለት ወክሉ ሽዑብ ዶርም እበ ትወቀለት እግል ልቀድሞ አትፋቀደው።

“ሰላምን ወውፋቅን ክም ወሀበት እግል ንሕፈዝ እምበል ሀመሌ እግል ንክደም ወጅብ” እንዴ ቤለው መመቅረሐት ሰሚናር፡ መዋመጦሩ ወጠንዮት ለለአበዴ ወልትበሬ አፍካር እግል ንጋብሁ ክም ወጅብ ሐቆ አብረሀው፡ ለአግደ ርቅዝ ዐድነ መቅደረት አዳም ሰበት ቱ፡ ዲብ አትፋዘዮቱ እግል ንትሃመል ኢወጅብ” ለቤለው ለሰሚናር ለሰርገለው፡ እብ ቴሉሉይ እግል ንራዕዩ፡ መጦሩ ህዬ ድህር አፍካራት

ወጠን እብ ቴሉሉይ እግል ንጋብሁ ክም ወጅብ ሐቆለ አብርሀው፡ ለአግደ አርዛቃት ዐድኑ፡ መቅደረት አዳምን ሰበት ቱ፡ እሊ ርዝቅ እሊ ሕዱድ ወድዕፍ ምንመ ለሀሌ ዲብ፡ እብ መጅብ ብዕዳም ዶል እንርእዩ ምስል ክሉ ተሐድያትን መካሰቡ ብዘሕ ክምቱ አፍሀመው።

ብንዮት ተሕትዮት፡ ፈርያት ወአፍረዮት እበ ትከሰስ ህዬ እተ ለሀበዉ ፋዬሕ ተውድሕ፡ አሰነዮት ብንዮት ተሕትዮት ወከደማት ማይ ዲብ መዳይን ወብሩር፡ ለአግደ ህዬ አሰክ እሊ ለኢትከምከመ ድዋራት ለትወጅብ አውለውየት እንዴ ተህዩቦዩ ጅህድ እግል ልግባእ ዲብ ክምቱ፡ መሐገዝ ሲቶ ለበን ደገጊት ከደማት ማይ ጽሩይ እግል ልርከቤ ወናይ መዳይን ብዕድ እግል ልሰኔ ለአንቡት ክቡድ ወብዘሕ ጅህድ ለጠልብ በራምጅት ህዬ እግል ለአተላሌ ክምቱ ሸርሐው።

ከደማት ካህረበትመ፡ እብ ሐድሉድ ደማንት ዲበ ተህይብ ደረጀት እግል ልትበጸሕ ኢቱን ለሀለ ስታት ዲብ አሰመረ፡ ዐሰብ ወባጼዕ ወሉክ 60-ሚጋ-ዋት ጣቀት ጸሓይ እግል ትዳሌ ለለአትሐዜ መትዳላይ ጋብእ ክም ህሌ፡ ክድመት ካህረበት እግል ትዕቤ ህዬ፡ ዐባዩ ወነአይሸ ጀነሬተርራት እግል ልትዳሌ ክምቱ ሐቆለ በርህ፡ አብያት ሰከን እበ ትከሰስ፡ ሰነት 2020 ናይ መትብጋስ ሰነት እንዴ ጉብኦት፡ እንዴ ኢተምም ለጸንሐ አብያት እግል ልትመም ብንዮት አብያት ሐዳይሰ ህዬ እግል ተአንቡት ክምቱ ሐበረው።

እት ደንገብ፡ ሙሽተርከት ተውድሕ ለሐዘው እቱ ሰአላት ቀደመው፡ ገሌ ምን አግደ ተውዝዕ አራዲ መሐደር፡ ቀድየት ብከ ወአላት ብከ እግል ልምጸእ፡ መሐገዝ ማይ፡ ደወ ከደማት ብዕድ፡ እንዴ ትቀሸሸው ምን ዐድ ፈግሮ ለሀለው ሽባብ እግል ንጽብዋ ለጉብኦ ጋር፡ ለትጸበኦ መሳንዕ እብ ዓመት፡ መሰናዕ ቅራብ ህዬ እብ ፍንቲት እግል ለሐሰሴ፡ አደቀቦ በራምጅ እዕላም ወዓዳት፡ እት ወክዱ ሐብሬ ዋጅቡት ኢህዩብ ወመሻክሉ፡ አግቡይ ተረብ ትጃረት ቃትኒ፡ ዕላቀት ኤረትርዮ ወአሚርኩ አግቡይ አሰነዮት ማህየት፡ እብ ሕኩመት እንዴ አንቡት ዲብ ተማመት ለለአደገ መሻርዕ ብናእ እግል ልትሐሰብ እቱ፡ ድድ መሳልሕ ወጠን እብ ተዋሱል እጅትማዲ ለትትነሸር አሳሰ ለአለበ ሐብሬ፡ በሊስ ለሀህይብ እተ ብቆዕ ቴክኖሎጂ ለጾረት ጅሀት እግል ትትአሰሴ፡ ዲብ ጠወርት መቅደረት ሽባብ እንዴ ረከዘ እግል ልትከደም፡ እብ ሰብብ ኢሀለዮት መትሻቀዩ አላት ወተማመት ሸቅል፡ ልትዐናቀፍ ለሀለ ወራታት ዲብ ወቅቱ እግል ልትመም እት አግቡይ ዝቤ ለሀለ ናይ መትዛባይ ሸቅል አትሳናይ እግል ልግባእ እቱ፡ እንዴ ትበከ ዲብ መንፈዐት ለኢወዐለ አብያት እብ ዋጅብ እግል ልትሐፈዝ ወእት አርሀዮትለ ሀለ መሐገዝ ዶሩ ክም ቀድም እግል ልግባእ፡ ለልብል ወብዕድ ሰአላት ብእቱ።

እግል ሕርየት ታመት፡ ቀደም ነክነጽር

ከሊመት መ.ወ.አ.ኤ. እብ መናሰበት 8 ማርስ

ዮም ዓመት እድንያይት ምዕል አንሳት- ሰማን ማርስ ናይ ሰለሰ ግም ሕቡሉክ ወጽኖዕ ተሐድያት እንዴ ተዐዲነ ንዳል ጀለ ሕርየት፡ ዕዘት ወሲያደት፡ ዲብ ሐዳሰ መርሐለት ሰእየት ንትዐዴ ዲበ ለሀሌን ናይ ታሪክ መሓባር እንዴ ገኣነ ነዐይደ ሀሌኑ።

ሽዑብ ኤረትርዮ እትሊ እግል አጅያል ለአተላለ ንዳል ረዩም፡ መጦርሉ፡ ሕርየቱ ወከራመቱ እግል ለአድምን ድድ ሕየል ካርጅ ለወደዩ ንዳል ድቁብ፡ እት ናይ ቀበቱ ንዳልመ ተቅዩር አሳሲ እግል ለአምጽእ፡ እት ፍክር ዐዳለት እጅትማዕየት ለትነደቀ ምን ደሀብ ለልትመዘን መባድእ ወቅየም እግል ልምለክ ቃድር ሀለ። እብሊ ህዬ ፍንጌ ክልአት ክፋል ሙጅተመዕ እምበል ፈናታይ ዲን፡ ጅንሰ (አንሰ ወተብዐት)፡ ቀባይል፡ ሉቃት፡ ወአካን እጅትማዕየት መቅሬሕ ወውፋቅ እንዴ አውሽዐ ብዘሕ መትደንጋር ለተዐደ፡ ዋወር ናይ ሽዑብ ዐቅልየት ወአፍካር እግል ለአሰብቅ ለቀድራቱ።

“እግል ሕርየት ታመት ቀደም ነክነጽር” ለልብል ቴመ ዮም ዓመት፡ ልእኩቱ ዲብ እለ ነክትዮ ለሀሌን ሐዳሰ መርሐለት ታሪኹ፡ እግል ዲብ ንዳል ረዩም ለተዐመረ መባድእ ወቅየም ሓይሴ፡ ክምሰልሁመ እብ ንዳል ወእሰትሽሃድ ለተአከደ ተቅዩር እጅትማዕየት እንዴ ሐፈዝናሁ ወሐለት ወደቅብ እንዴ ሀብክ ዲብሊ ትወቀለት ረሽመት ሕርየት እግል ንብጸሕ ገለድን እግል ነክትሐድሰ ለአትፋቅደን ለሀለ።

ሩእየትን ዲብ ቅዱይ ወዓድል ተጠውር ሙጅተመዕ ትጠፌሕ። ክእነ ትመሰል ዐቦት ለልትሀገን ሽዑብ ህዬ፡ ክሉ እግል እቅትሳድያይ ወመሕበራይ ተቅዩር ለሸንቅ ቴለል ምን ቅርዱ እንዴ ነቅሉ፡ ምስል እብ መሳዋት ለለትናብር ፈሀም ሕበር አውሽዮት ለትሐዜ። ዎር ምን እግል ዐቦት ወተጠውር ምህም ለጉብኦ ዐዋምል ህዬ፡ እትለ ዎር ሰምጥ ናይ ሙጅተመዕ ላተን አንሳት እግል ለሀሌ ለወጅቡ ፈሀም ናይ መሳዋት ቱ።

ዲብ ዐድነ ብጹሕ ለሀለ ዶር ወመሻረከት አንሳት እት መጃላት እጅትማዕየት፡ ሲያሰት፡ እቅትሳድ ወዓዳት ለልትሐመድ ምንመ ጉብኦ፡ ለጋመት ምንእነ ሀሌት እግል ነክትምም አወል ወሰልፍ ክሉ በቃዐት አንሳት እግል ትትወቀል፡ ለሀለ አብነት እብ ተአሰትህል እግል ልትነፈዐ ምኑ ለጸገም እግል ለአተላሌ ሀለ እሉ። እግልሚ፡ ዐሸምን እትለ ትወቀለት ረሽመት ዐቦት መትዐርራይ ሐቆ ጉብኦ፡ እሊ ዐሸም እሊ ለልትበጸሕ እብ ወቀሎት ዐቦት ክሉ ሙጅተመዕ ቱ። ሰበት እሊ ክለን አንሳት አግደ ህዬ ለበዝሐየ እት ብሩር ለነብረ ሕቁቀን ለረክበ እበ አርድየት እንዴ ጠፍሐት እለን፡ እት እቅትሳድ ሙጅተመዕ ግዴተን እግል ትዕቤ እብ ተዕለም ወምህነት መፍርየት ባቅዓት እግል ልግባእ ወነፍሰን እግል ልቅደረ ሀሌት እለን።

ክምለ ናይነ መስወደት ወጠንዮት ለትብሉ፡ እት ኤረትርዮ እግል ተብዕን ሌጠ ለሕዙዕ እብ አንሳት ለኢልትበጸሕ ጋር እግል ለሀሌ አለቡ። በዐል መንበር ጀብህት ሽዑብዮት እግል ዲሞቅራዊየት ወዐዳለት መለሀይ ኢሲያስ አፈወርቂ፡ 1998 እት ራቤዕ ሙእተመር መ. ወ.አ.አ.ኤ. እተ ቀደመየ ክሊመት፡ “እት ዘበናይ ተእሪክ፡ ደረጀት መሻረከት ሕያይት ናይ አንሳት ዕሰ ተጠውር ዎር ሙጅተመዕ ተ ሌጠ እንዴ ኢጉብኦ፡ ናይ መትዐዋት ወኢመትዐዋትመ አግደ ሃምል ተ” ብህል ዐለ።

እሊ ዋዋሕ እሊ እግል ሰን አንሳት ሌጠ ኢኮን ለልትሐዜ፡ መክሰቡ ክሉ ሙጅተመዕ ልትየበት ምኑ። እግልሚ፡ እብ መቅደረት ዎር ፍላም ሙጅተመዕ ሌጠ ለትገይስ ገበይ ዐቦት፡ ሄራረ ቁዩድቱ። ከእለ ምንገብኦት ወጠንኝ ለእሉ ራክበት ሀሌት ዐውቴ እንዴ ሐፍዘት ተእሪክ ሐዲስ እግል ትሸቁ እግል ተአለምቤ ሀለ እሊ። እግሉ ለጉብኦ ለለደሚዕ መትዝም አትአታይ፡ ክምሰልሁመ ተቅዩር እት እቅትሳድ ወእጅትማዕየት ለለአክድ በራምጅ ፈዓሊ አፍገርት ለአትሐዜ። አካን ወመሻረከት አንሳት እት ሙጅተመዕ እግል ትዕቤ ህዬ፡ ክሉ ሙጅተመዕ ወመአሰሳቱ፡ ሕኩመት ወጀብህት እግል ልትዐንደቀ እሉ፡ እብ ጅድየት እግል ልሸቀው እቱ ለወጅብ መዝ ወዳይ ወጠንያይቱ።

ቀድየት አንሳት እት ክል ሰማን ማርስ እንዴ ትፈቀደት ወዐዝ እንዴ ትሰመዐ እተ ለትከለስ ኢኮን። ክም እብ ለሀ ለኢልትሐለፍ እት ዐቦት ለለዐዴ ክብሪ እንዴ ትዝሐት፡ እት አልባብ ሙጅተመዕ መስከበ እንዴ ጽብጠት፡ እት ክሉ ከፈፍል ገቢል፡ እት ምድን ወብሩር ለለአሸቁ በራምጅ እንዴ ፈግረ፡ እት ምዕላይት ሐያት እብ ዐመል ፍሬሁ ልትከየል እግል ሊጊስ ወጅብ፡ ራትዐት ቀድየት አንሳይት አግደ አሳሰ ብከ ናይ ዎር መዐዩ ዋወር ተ።

ዳይም ዝከር እግል ሹህዳነ!
ዕምር ዋወል እግል ሰማን ማርስ!
መሕበር ወጠን አዋልድ አንሳት ኤረትርዮ!
ዐውቴ እግል ገቢል!

ጸፈትርዮ © ጸሐዳክ

ክል አርቡዕ ለትጠብዕ ጀሪደት

መዳልየት፡

- መሐመድ እድሪስ
- ክልሹም መሐመድ
- አድም ሳልሕ
- ሳልሕ እድሪስ

ለይአውት ወአርተያት

* ዘሀረ ዐሊ

* ፋዋን አድም

ተለፎን። 121797/07121322

ፋክስ። 127749። ዕ.ሲ.ቡ። 247

ተውዝዕ ጀሪደት።

ተለፎን። 200454

ኢትኦመርት።

ተለፎን። 125013። ዕ.ሲ.ቡ። 1284

4^ይ ወናይ ደንጎበ ክፈል

መ/ዑመር ቀደም መትወላዱ ልግበኛ ወሐቆ ተውሊደቱ ክልዶል እግል ልሕቀፋ ኣብ ልቡ ልተምኔ ለዐለ ወልዱ መሕሙዳይ እንዴ ሐቅፈ፡ ኣክለ “ሚ ትመሰል ዐልከ? በኪት ዐልከ ማሚ”? ለልብል ኣሰኸለት ምን ኣዳሙ ኣተርተ እቱቲ፡ “ኣልሐምዱልላህ ሴመ ሸር የዐለ እግልዬ እምበል ኢመርኢት እሊ ወጅህ” እት ልብል ወእግለ እት ሕቅፋ እንዴ ጉብኣ ዶል ለዐርግ ወዶል ልትከሬ ለዐለ ወልዱ መሕሙድ እት ለሐቅፍ ልሰዕሙ ዐለ። ገሌ ገሌ ኣዳሙ ህዩ “ለምሰልከ ዐለው ሐውከ ህዩ ሚ መሰሎ ዐለው?” ከበር ፍላጎን ወፍላጎን ለልብል ሰኣላት እት መ/ዑመር ልኣውሕዝ እት ህለ እት ገጹ ገሌ እግል ልበይን እግልከ ቀድር። እሊ ወቅት እሊ እት ደሚሩ ገሌ ህቱ ሰቅ እት ለኣብሉ ልሸዕር ዐለ። ኣይወ እተየ ኣሰተሸህደው ኣየ ኣምዕል ወሸህር ክሉ እብ ሐቱ ሐቱ እት ገጹ ልትባጠር ምንመ ዐለ፡ ኣማን ላኪን ወቅተ ታምም ሰበት ይዐለ፡ እኩይ እት እንቱ ልቡ ቀብሮም እንዴ ወደዩ ትም ዐለ ሕርያኑ።

ዶል ለወልዱኖም ኣው ውላዶም ለጉብኣ ኢያዮም ልትሰኣሉተ ግመት ህተ ትትገልበቡ። ወላኪን ወለ ኣንሳይት ብርእ እንዴ ኢውዴ፡ “ኣይወ በዲር እት ዐሰብ ንትርኤ ዐልነ ወኣዜ ሕነ እንሰር መጽኣነ ወህቶም እቱ ተርፋም ህለው”። ለልብል በሊሰ ለሀይደም ዐለ። እትለ ምጸኣቱ እለ ህዩ እግል ክልኣት ሸህር እጃዘት ህዩብ ሰበት ዐለ ምስል ወልዱ ወእሲቱ ሃባት ፍቲሆም ወሰፈላሎም ሐለፈው። ኣምዕል እቅባለትመ ህቶም እንዴ ኢልትሸንህወ ኖሰ ተኩብ እትብል መጽኣት። መ/ዑመር እበ ጠቢዐቱ ወክልቀቱ እግል ክሉ እያዩ እብ ገጽ ፈርሕ ወኩብቱ ለለሀይብ እዩሱ ወእብ ንኡሽ ወዐቢ ለለሐሸም ወሕሸመት ለረኩብቱ ለዐለ። ኣምዕል እቅባለቱመ “ግድም መ/ዑመር እለ እንተ ሰር ጉብኣከ ኣዜ ህዩ እግልሚ ተኣቀብሎም ህሌከ?” ለልቡሉ ብዝሓም ዐለው።

ሰሕቅ እት ልብል ህዩ “ግድም ክምሰልዩ ዐዶም ለኢበጽሐው ውውላዶም ወዋልዲኖም ለኢረኣው ሰበት ህለው ገበዩ ለኣተቃብሎ ህለው” እት ልብል በልሰ እቶም ዐለ። ኣምዕል ኣቅባለቱ ላሊህ ህቱ ወእሲቱ ዎሮት ጋር ሰኩብ ክልኣም ሰበት ዐለ እግል ገሌ ልባሰሮ እት መፈሀመት በጽሐው። ህቱ ህዩ መትኣካሮም ምን ውላድቱ ለዐለ። ወፈጅረተ መ/ዑመር ወድ ዜዳን እሰክ ኣካኑ ሳፈረ። መስከቡ ክምሰል በጽሐ እግል መስኡሊኑ ኣሰባብ መትኣካሮም ምን ውላድ ሹቁሉ ክምሰል ህለ ኣሰኣለዮም። ህቶም መ ህቱ ሌጠ እንዴ ኢጉብኣ እበ ዐለ እግሉ ጅራሕ ትሩድ፡ እግል ለኣትቀባብል ክምሰልቱ እት

መፋህመት በጽሓም ክምሰል ህለው ወደሐው እግሉ። ወእብሊ እት ክል ክልኣት ወሬሕ ኣትቀባበለ። ወሐቆሁ ውላድ መ እብ ኣምዕሉ ተዐመሰ ወትወለደ። ፋጥነ ወልደው ወስሚት እሙ ሰመየ።

እግለ ዐሰር ሓል ለወደው ሰብ ፈረዕ ዎሮት ሴንዳይ ሰበት ይዐለ እግሎም መ/ዑመር እክለ እግል ማህየት ዲሽ ጌሳተ ሸቅል እግል ልሕዜ ተሐት ወለዐል ልብል ሰበት ዐለ፡ እት ብሸ በክት ሸቁል ረክበ። ወእብሊ መናበረት ዐድ መ/ዑመር ምን በሕ ኣሰክ ለዐል ኣሳደረት።

ኣምነ ውላደ ረቢ ወደየ እግሎም ወሸንህቶም እግል ልርከቦ ቀድረው። ኣይወ ሰብር ለወደ፡ ዎሮተ ከእብ ኣምዕሉ ንዩቱ ረክቡ፡ ኩባዱ ጸግቡ መቅጠኑ ለብሰ ወጋኑ ሰክቡ። ህቶም መ ሰብር ምን ደቀበው ወእት ኣፌት ይዐለት



እግሎም ወገርህት። ምን ለሀበት መ/ዑመር ደረረው ወሸንህቶም ረክበው። ኣዜመ መ/ዑመር ክልኤ ኣካን ህቱ ወዐዱ ኢጉብኣ እግልነ እበ ለልብል መፍሁም፡ ዕያሉ ምን እንድላል እሰክ በርከ ገዐዘ እቦም። ወለ ዐቢ ወልዶም እግል ድረሰት ምስል ዐድ ኣብዕቡ ሐድገው። ወእብሊ ኣደሐ እት ሸቅሉ ለውዕል ወላሊ እት ዐዱ እት ለዐይር ገሌ ኣወሬሕ ሸቀ። እብ ከምሰል እሊ እት ሐለት ሰኔት እት እንቶም ዲሽ መ/ዑመር ምነ እቱ ለዐለ በካት ሰበት ትቀየረ፡ ህቱመ ዐዱ ንኡሽ ወእሲት ሰበት ዐለየ እት ከደን

መሐድገን እበ ልብል መፍሁም ኣትቀባባል ኣዝመ ምኑ ወእተ እቱ ዐለ ሸቁል ኣተላለ።

ኣይወ ሐያት እብ ሐቱ ገበይ ሰበት ኢትሄርር ምነ እግሉ ሀይቡቶም ዐለት ገጽ ሰኔ፡ እግል ትትቀየር እቶም ሰምን ሸንህት ምን ረክበው እበ ገጽ ምስደደ ትወለበ ’ቶም። ኣይወ ክል ዮም እት ሸቁሉ እንዴ ወዐለ ማሲ ምድር እት ዕያሉ ለዐይር ለዐለ። መ/ዑመር ወድ ዜዳን ኣመት ሐቱ እንዴ ኣለቡ ፈጅኣተን፡ እት ሸቅሉ ምን ኣግወሐ ምነ መስኡሊን ሸሪከት ገሌ ምን ሸቃለ ምን ሸቁል በዋራም ሰበት ህለው፡ ጽንኦ ለልብል ኣማውር ተህየበዮም። እሊ ለሰምዐ መ/ዑመር እብ ልቡ ዎሮት ምኖም እግል ኢልግበኣ ተምነ። ትምኔት ህዩ ሸንህት ሰበት ኢተኣረዌ ዎሮት ምኖም እት እንቱ ጸንሐ። ወእብ

ኣክይ ብሶቱ ኣርወሐቱ ሐርበዋ ኣበለ።

እለ ኣምዕል እለ ኣምነ ኣብር እት ሸቅሉ ህለ እት ትብል ፈጅኣተን ኣቅበለዩ። ህተመ ምነ እቅባለቱ ደንገጸት። “ሃልኩቱ? ኣብ መሕሙድ” እት ትብል ኢትዓፈ መሰለየ ወሐር ህዩ “ምን ሸቁል በዋራም ህሌኩም ቤለው” ቤለዩ። ኣምነ ብዘሕ መሸቀላት እንዴ ኢተርኤ “ዓፍየትከ ተህሌ ኣብ መሕሙድ ብዘሕ ኢትትሸቀል ወኣርወሐትከ ቁሎተት ነደት ኢትዳዩ” እት ትብል ኣሳጀዐቱ። መ/ዑመር መ “ኣይወ ርዝቅ

ኣልሐይ ሐይ ልብሎ ዐረብ ላኪን ኣመት ሐቱ እንዴ ኢትኣምር ህዩ ኩብድ እተከ” ቤለዩ። ወምን ኣሰብሐም ቡኖም ወደው። ወእግል ፋጥነ ወለቶም እት ለኣተልሁ ሰኔ ልውቃም እት እንቶም ወዐለው።

እንዴ ልትሃጀት ህዩ ለፈግር ምኑ ሸቅል ትዘከረው ምን ጉብኣ ክልኢቶም ልትኣራተቦ ዐለው። ላመ እግሎም ለኣረትብ ለዐለ ጋር፡ እት በርከ ዎሮት ይዐለ እግሎም እምበል መ/ዑመር እብ ለህበቱ እንዴ ሸቀ ሌጠ ለዕይር እቡ ለዐለ ድራር። ኣምዕል እለ ሰረ እብ መፈጀኣት ወሰራመ እትሊ ኣውቃት ቅሩብ ምስል እንዴ ትገሰው ሁጁካሙ ለኢልኣምሮ ናይ ደንጎበ ህጅኮምተ ክምሰለ ቡሁላም እብ ብዘሕ ጋራት ተሃጀከው። ማሲ ምድር መ/ዑመር እግል እሲቱ “ሰምዒ እም መሕሙድ” ቤለዩ። “ኣሀ” ትቤ ኣምነ። “በደል እትሊ ከደን ወመላል ሐድገክን ወኣነ እግል ሐዜ ሸቁል እገይሰ እሰክ ዐድ እግል ነኣቅብል” ቤለ እግል ሸረተ እት ልጸበር።

ኣምነ መ እብ ጀህተ “ህቱ ላተ ኣማንካቱ ላኪን ኣዜዲ ደሐን ሐቱ ዴ ከኣቅብለን” ቲሉ። ወእብሊ ሸረት እለ ፈጅረተ እግል ሐዜ ሸቁል ሰር ላሊ ምስለ ምነ ባካቶም ገይሶ ለዐለው ክልኣት ነፈር ምስሎም ሰፈረ። ኣይወ ሰፈር መ/ዑመር ሰፈር ለምኑ ይኣቀብል ሰፈር ለሰፈር ዲመ ተሐቦዩ። ላሊ ልብሎ ለሰብ ለምስሎም ሰፈረ። “እት እንገይሰ እት ቅራር ወድቀ ወእንዴ ረፍዓኩ ዕያደት ኣብጸሕናሁ ወእተ ኣምር ረቢሁ ሰለመ” ልብሎ። ላመ እብ ከበር መጽኣው ወጥቱ ሐድረው ዎሮት ኢያዩ ወለሳደፊዩ እክል ኣሕድ ለሸርሕ ይዐለ እቶም።

ኣይወ ሰፈር መ/ዑመር ሰፈር ዲመ ወለደ። ወለ እግሉን ለሐንቅቅ ወለኣትሸኒህ ለሐዜ ለዐለ ፋጥነ ወእመ እበንን ምስል ግበኣን እት ከደን ወመላል ተርፈዩ። ረቢ ልክረዐ እድንዩ እበ ዎሮት ገጽ ላቱ ኢትብሌ ወ እት ነብር። ምን ምርኩብ እት ሕግላን፡ ምን ፈርሃት እት ሰላም ወእማን ተበኣጸሐኩ። ምን ለውቀትመ እት ሐዘን ተዐዴከ።

ኣዜመ ለኣርወሐቱ ኢለኣምን እተ እሲቱ ወእብ ዕንቃቅ ወሌተተ ፋጥነ እንዴ ሸቀ እግል ልምጸኣነቱ እት ልብል ኣክይ መስእል መጽኣዩን። ኣይወ ለእንዴ መልኣ እግል ለኣቅብለን ልትጸበረ ለዐለየ ከበር ጥቱ ወናይ ዲመ ፍንቲቱ መጽኣዩን። እድንዩ ብዘሕቱ ተጋቢቡ። እሊ ከበር እሊ ዐድ በጽሐ ወዎሮት እንዴ ጌሰየን መጽኣ እበን። እሊ እት ሰነት 2014 ወሬሕ 3 ሳደፈ። ሐቆ ወፋት መ/ዑመር ሐለት ዓኢሉቱ ህዩ ክእፎ ጉብኣት? መ/ዑመር ወድ ሕመድ ሰፈሩ ሰፈር ተሓበረዩ።

ዐዱመ ሐቆሁ ሚ ጉብኣ እግል ተኣሰንዮም። እብ ፍንቱይ ኣምነ ኣብር ሐቆ ሐማህ ኣዳም ይእጉብኣ ትቤ። ለናዩ ሞት ኣርወሐተ ኣሚን እግለ ኣቤት። ነፍሰ ትከማጀንት ክልዶል ህዩ ሰፍልልት እት እንተ ትርእዩ። ለምስል ሐማህ ሐለፈተ ሓለት እክለ ትዘከረት ኣርወሐተ ኣማን መትከባት እግለ ኣቤት።

ኣይወ ኣምዕል ወላሊህ ብካይ ጉብኣ ጸብሐ ወድራረ። ምራደ ወሸንህተ ምስል መ/ዑመር ትቀበረ። ለናይ እሎም ክልኣት ሰብ ጼወ ፍቲ ሕሸመት ኣድሕድ እግል ክሉ እያዮም ለለኣትፈክር ወሰነኖም ለልኣቀኒእ ዐለ። እብ ኣማንመ ፍቲ፡ ሸማት ወሕሸመት ኣድሕድ እት ኣሰራር ደጥም ዘሬ ዐለ። ሐቆ ሞት መ/ዑመር ዐዱ መናበረቶም ጠምጠም ሰኢነት ወለዘተ። በደል ረኣሰ ለዐል ተኣሳድር ገይሰ ዐለት ረኣሰ ተሐት ሀገጌት። ነብረ ይትምነ ኣፋህ እንዴ ኣትገሀጸት እት ሸፍሮም ሐድረት። እትለ ሐለት እለ እት እንቶም ኣምዕል ሐቱ እግል ረቢ ልርሐም መጽኣክዎም። ወእበ ክእኒ ነሰሐክወ። “ኣምነ ረቢ ፍርሂ ወእሎም ውሌዳምኩም ረኣይ። ረቢ ህዩ ምራዱ ወደ ክሊናመ እግል ሞት ሕነ። መ/ዑመር ይለኣቀብል ወሕነ ይእነብር” እቤለ እግል እሰጅዐ እት ሐዜ። ኣበ ክእኒ ህዩ በልሰት እጅ።

“ኣይወ ኣማንካቱ ዐብደላ ላኪን ኣርወሐቱ ሐቆ እብ መሕሙድ ሐያት መትከባተ እግልዬ ኣቤት። ኣዜመ ኣምነ ኣብር ተሐኔት ወትቀዴት ወግሰተ መትሃት ላቱ ኢትሰመዕ እሊ ህዩ ኣትፈርሆት ረቢ ኢኮን። ለነፍሰ ኖሰ ወዲሁ እግልዬ ኣቤት”። እት ትብል ለኣነ እት ገጽ ኢቀርኡ ዐልኮ ህተ እብ ንሳለ ሸርሐቱ እግልዬ።

ኣይወ ሻም ትልህየ ኢኮን ወሻም ረኣውኒ ወሰምዑኒ። ሸም ሳብት ወሕጡጥ። ሻም እት ኣልባብ ክልኣት ሰብ ጼወ እብ ኣድማይ ክጡጥ ሻም ኣማን እት ኣማኖም። እብ ክእኒ ቲለል ኣምነ ኣብር ምስል ክልኣት ውሌደመ ስሰ ሰነት ሐለፈት። እብ ክል ግበኣ ህዩ ኣርወሐተ እት ቀቢነት እንዴ ከለበት ግበኣ ዲመ ሐለፈ ኣቤት። እት ደንጎበ ወረሕ 12 ናይ ሰነት 2019 ትሩድ ሰበት ሐመት፡ ምን ዕያደት እንድላል እሰክ ዕያደት ነቅፈ ሐለፈው ምን ነቅፈ መ እሰክ ከረን ነድኣው። ምን ከረንመ እሰክ ኣሰመረ ሐለፈው እት ዕያደት ኣሰመረ ኣሮተ ሆሰፒታል ህዩ ሰረጣን ቱ ሕማመ ቤለው። ወ13 ኣልፍ እግል ዕላጅ ትደፈዐ እግለ ወእት ዮም 06-01-2020 ሳዐት ሳልኣሰ ሐቆ ኣምዕል ህተመ እተ ናይ ደንጎበ ምትክራረ እት መቅበረት ሼክ ኣልኣሚን ትቀበረት። ኣይወ ሰፈር ለሰፈር ተሓበረዩ፡ ሰፈር መ/ዑመር እግል ሸጋብ ወሰፈር ኣምነ ኣብር እግል ዕላጅ ሰፈር ክልኣት ሰብ ጼወ ሰፈር ዲመ ተሓበረዩ።

አግረዕ ማሌ ወዮም

ዳሕዩት አግረዕ ምን መዲነት ነቅፈ እንክር ቅብለት እት መሳፈት 40 ኪሎሚተር ራይመት ለህሌት ተ። እት የም 19 ፌብራይር 2020 አግረዕ እንዴ በጽሐነ ምስል ምን ሰካነ ላቶም መስኡል ዳሕዩት ሻብ ሙሰ ሳልሕ ኢብራሂም፡ አሰይድ ዐሊ ዐ-ሰማን ድራር፡ ሓጅ ዐሊ መሐመድ እድረስ ወአሰይደ ዐማር ዐ-ሰማን መሐምድኖር ለወዴናህ መቃብለት እግል የም ካልኣይ ወናይ ደንጎበ ክፈለ፡-

2^ይ ወናይ ደንጎበ ክፈለ ሰኣል፡ አሰይድ ዐሊ ዐ-ሰማን ድራር እብ ሰበትለ ኣት አግረዕ ለልትረኤ መሓግዝ እት ሸፊሕ ክእነ ልብል፡

ዕልምነ ካፊ ኢኮን ንትካረፍ ህሌነ ሽዑብነ ሰብክ ሳግምቲ። ሙጅተማዕ ሓዳረት ተርእዩ ገበይ ተርእዩ መስለሐቲ ተርእዩ ሸቁል ረክብ። ሕኩመት ሐቲ ኢገሰረት ሄክተራት ከፈለተናቱ እግል ንሸቁ እቲ ወንሻቀል እቡ፡ መላኪን ሐበት እስትፋዳም ምኑ ይህሌኑ።



አሰይድ ዐሊ ዐ-ሰማን ለዐለ እግልነ ንዋይ ክሉ ኣክለስኑ፡ ሕኩመትመ ኣቲነ ዲበ ከምነ ማለ ነሰኣነ ተተቃብለነ ህሌት ሚ እግል ቲደናቲ፡ እሊ ሐጸ እቲ ወዴነሁ ወነዐቅቡ ህሌነ ወኢትዐወትኑ። ለመጽእ መሕዱድቲ፡ መሕዱድ እት እንቲ ህዩ እሊ እግለ መንጠቀት እሊ ወበሰ እንዴ ኢገብእ፡ እለ መንጠቀት ተአሙረ ምን ቅርረ ኣስክ ሮረ ለበሰብክ ወሳግም ሽዑብ እለ እንዴ ኬዳቲ ለለሐልፍ ወሰርመ እንዴ ጠወ መጸኣ።

ኣዜ ሕነ ለዲቡ እንረክዝ ገበይ፡ ማይ፡ እትሳል ወዝራዕት ቲ። ዝራዕት ላተ ህዩባም ህሌነ፡ ኣዜመ ሕኩመት ምን ወሪደ እግል ትክረነ ሓዝዩት ህሌት ምንገብእ ትምጸእ ወተርኤነ እበ ትትቀደር። ሕኩመት ለእሉ ወዴት እግልነ ዐደዱ ቃውያም ይህሌነ ላኪን ለነቅሰ ምኒነ የም ኣለቡቲ። ሕኩመት እተ ኣርድነ ዲቡ ኣሸቁተነ ምንገብእ እግልነ ሰዳይት ዐባይ ተ። ሽዑብነ እዳነ እግል ኢልጠለቅ እንዴ ጌሰ ክም ኩረት ቅርረ በጽሕ ዶለ እለ ልትፈለለ ከምኑመ ዶል ለጸኣይ ትጩፍዩ እትሊ ምድሩ ብሩድ ሳግም። ሰበት እሊ ሕኩመት ለትትቀደረ ትወዴ ህሌት፡ ላኪን ካፊ ሰበት ኢኮን ትወሰክ እግልነ ወደሐንኩም።

ሰኣል፡ እንዴ ኣትላ ሓጅ ዐሊ መሐመድ እድረስ ኖር ምን ሰካነ አግራዕ እት ረኣሰለ ሓጅ ዐሊ ዐ-ሰማን ድራር ለበለዩ ምትወሰክ እተ ልብል ሰኣል እት በልሰ ክእነ ወሰኩ፡ “ጠበባን ክመ ትትበህል

ለህሌት ለንቁሳት የም ኣለቡቲ፡ ወላመ ትሸቀ ሐድ ናየ ምን ቀይሙ የም ኣለቡ ሰኒ ብዙሕቲ። ክኣፎ ብዙሕቲ ምኑ መኣሰሳት ሕኩምየ ብነ መድረሰት ብነ ዕያደት ብነ፡ ማይመ ለእለ ወዴት ወዴት እግልነ ሕኩመት። ላኪን ንቁሰ የም ለኣለቡ ህለ። ለሽዑብ መምክን ኣዜ ማይ ምን ረክብ ናይ ደፍኦት ልትበህል ህለ መርከዝ ወድያም ህሌነ፡ ናይ መድረሰት ህዩ እስክ ናይ ፈሰል ተኣደርሰ ህሌት እለ ኣካን እለ ማይ እግል ልግበእተ ከራፊት ዔለ ናይ ሶላር ሐቲ ተ ለህሌት እሎም እለ ህዩ ምሴ ወፈጅር ትሰበር ገብኣት። እለ ዔለ እለ ማይ ካፊ ዲብ በ ጅንኔተር ኣው ጣቀት እግል ትግበእ እለ ሐቲ ምን ጠለብ ገይሰት ዐለት ኣዜመ እንደግመ። እለ ኣካንትለ መርከዝ፡ ካልኣይት ህዩ ክመ እለ ቤለውክ ሽዑብ ምን ሮረ እትለ ምስልነ ለክርሞ ከረም።

ብዕድ እለ ሽዑብ ነብር እበ ለህለ መናበረት ነደፈት ነፍሰ ወድዋርተ እንዲኢኮን ደወ ካፊ ኣለብነ፡ ለነደፈት ክኣፎተ ትቤ ምንገብእ ማሸኣህ ሕኩመት ገበይ መርሐተነ ወገበይ ኣጽበጠተነ እለ ገበይ እለ ህዩ፡ እተ ጅሰምነ ፈቲነህ። ክኣፎ ፈቲናህ ሙሰተረሓት እስትክዱማም ሕነ መምክን ኣዩ ኣምራድ ለበዲር እንርእዩ ለዐልነ ከለሰነ ምኑ እግል ኢበል እቀድር። ከደን ሸይን እለቡ፡ ሕኩመት በርናምጅ ኣጽበጠተነ ወለ በርናምጅ ኣውፊናህ፡ ክም ኣውፊናህ ሰልፍ ሰሐት ረኩብነ ለገበይ እበ ሐበሬተነ ጀህደት እለ መንጠቀት ነደፈት እግል ለህሌ እግለ። ካልእ ሕነ ለእምብለ እለ ዝራዕት ሕኩመት ዶዘር ጀራፋት ተህበነ እግለ፡ እበ ማልነ እግልሚ ኣዳም ልሳዐድ። ጃዝ ለመልእ ወለከድም ልከፈል። የም ፍዕለን እቅትሳድ ናይለ ደውለት ክኣፎ ህለ ኣምራሙ ህሌነ፡ ወእቅትሳድ ሙጅተመዕ ክኣፎ ነብር።

ሰኣል፡ እብ ዓመት እብ ሽዑብ ወሕኩመት እግል ልግበእ ለቡ ሚቲ?

ሐቲ ማይ እግል ልፍተሕ እግልነ፡ ካልእ ህዩ ኣመክን ህለ



ኣብዕረት ወኣዱግ ለይኣትዩ ህቲ እግል ልኦቲ እቲ እግል ልጀረፍ። ሕነ እለ ዝራዕት እግለ ህዩባም ሕነ እለ ራህዩ ተ፡ ሕኩመት ዶል ሸቁተ ለኣዳም ክሉ ለመንፈዐቲ ኣመረ ከክሉ መጽኦ ወእበ ትትቀደሩመ እብ ኣብዕረት እንዴ ወደ ጃርፈ ህለ ላኪን እሊ ካፊ ኢኮን።

ብዕድ መሸርዕ ረህዩ ለክሰሰቲ፡ እለ ረህዩ ሽዑብ አግረዕ እዕትማድ ሐርሱ ዲባቲ። ሕኩመት ዶል ሸቁተ ኣዳም ለፋእደት ክሉ ኣመረየ ወእብ መትኢያሰ ከድም እተ ዐለ። ብዕድመ እብሊ ኣማክን ኣባረረ ወሐምበላይ ወኣትዋራፍ ናይ ረህዩ ክድመት ለሐዜ ህለ። እብ ዋጅብ ዶል ልትከደም እግል አግረዕ እንዴ ከፈ እግል ብዕድ ገብእ።

ካልእ እብ ሰበት ዓፍዩት ተሃንነ ምንገብእ፡ ሽዑብነ የም ፋህም ህለ። ዲብ ቤተ ለትወልድ እሲት ይህሌት። ላኪን እትሊመ ለነቅሰ ህለ። እግል መታከዩ ዐመሲ ለገብእ ኣካን ለትሕዜ። ሕነ እበ ትትቀደረነ እንሸቁ ህሌነ፡ ምን ረዩም ኣካናት ለመጽኦ ኣንሰ ለልጽበረ እተ ቤት ባንያም ህሌነ፡ ለነቅሰ ምኒነ ዋናብቲ።

ብዕድ መድረሰት ብነ። ላኪን መድረሰትመ ንቁሳት ብዲቤ፡ እሊ ንቁሳት እሊ ለመድረሰት ሐሽ ኣልቡ እተ፡ ሐሽ እግል ልግበእ እተ፡ ሰዳይት ነሐዜ ወሕናመ እብ ለህበትነ እለ እንገሰር ኣለቡ። ብዕድ ምስል እሊ ለገይሰ



ዐድ እብ ገበይተ ለትትኦቲ። እብ ጅህድ ሽዑብ ወሕኩመት ድብኣት ለዐለት ገበይ ሕመድ ደቤለ እንዴ ትከሰተት ኣዳም እበ መጽኦነ ህለ። ምናመ እንዴ ሐለፍነ ኣሳር ሰውረት ለዐለ እቲ ኣካናት ጀላብ እግል ትብጸሕ

እንዴ ትበህል፡ እብለ እብ ሐዋረት እንዴ ከሰትናህ እብ ዜር፡ ብሌቃት ፈሕ ወግሮቶ ኣሰክ እምህሚሚ ክምሰል ተኣቲ ጋብኣት ህሌት። ላኪን እሊመ ካፊ ኢኮን፡ እግልሚ እብ ነሐር ኣዳም ለትሸቁ ክምሰለ እብ ማሸኔሪ ለልሸቁ ሰበት ኢገብእ እት ኣሰነዮተ ወኣፍዩሐተ ሰዳይት ዶዘራት ለትሐዜ።

ዲብ ደንጎበ ለእበ ወዝያደት ሸንርብ ዋድዩት እትነ ለህሌት ኢረኪብ እትሳልቲ። እትሳል ምን ገበይ ወለዐልቲ። ምሮ ምስል ሐሁ ሐቆ ኢተሃጀከ ወምስል ኣዳሙ ተሐይሰ ተሐምቅ ሐቆ ኢቤለ ወሕኩመት ለተህይቡ መምርሕ እብ ዋጅብ ሐቆ ኢሰምዐ፡ እሊ ነቃሰ ዐቢ ቲ። እሊ እግል ልትመም እግልነ ህዩ ለትከሰሰ ጀህት መሐገዝነ እንዴ ረኤት እግል ተርህዩ ወሐል እግል ትባሰር እሉ እትወሴ። ሕነ እብ ጀህትነ እግል እዳረትነ ሐበርኑ ወእዳረትናመ እለ ገሰረት ኣለበ ለእለ ሀብርናህ ሐብሬ እተ ከሰሰ ጀህት ሓለፈተ።

ብዕድ እለ መንጠቀት ልትሻብብ ለህለ ዕጩይ ሴሰማንቲ፡ እሊ ዕጩይ እሊ ዕጩይ ከራብ ወደማር ሰበት ገብኦ፡ እብ ኬወ እት ረኣሰለ እት ወራቃት ነዳፈት፡ ሸቅየት አግቡይ ወኣሸራም ፍፋራሙ ለህሌነ ዲብ ሰጋድ ፈልከት እንዴ ከርዐናሁ፡ ምኑ እንሰር ክምሰል ኢሸብብ እግል ኒዴ እት ንዳል ህሌነ።

ምን ሰካነ ዳሕዩት አግረዕ ዐማር ዐ-ሰማን መሐመድኖር፡ ሰክርቲረት አዋልድ ኣንሳት ወምን ልጅነት መሐከመት ደገጊት አግረዕ እት ገብእ፡ እብ ሰበትለ እት አግረዕ ለህለ ተጠውራት ልግበእ ወንቁሰ ዲብ ትትሃን ክእነ ትብል፡-

አዋልድ ኣንሳት አግረዕ ክምሰል ክለን ኣንሳት ኤረትርዩ እት ክሉ ወራቃት ሸቅል ምን ውላድ ተብዕን እንዴ ኢተርፈ እት ወራቃት ኬወ ልግበእ መትካም ልግበእ ውብዕድ ሻርኩ። ምስሉመ እት ተዕለም ወነዳፈት ድዋር ዶረን ዐቢቲ። እንዴ ትነዝማየ ህዩ ክሉ ምንን ለልጠለብ ለኣገድዮ። ላኪን እትሊ ለነቅሰ ምንን ብዙሕቲ። ክሉ ዲበ መንጠቀት ለህለ ነዋቅሰ ልግበእ ወለትሰርገለ ወራቃት ዐማር ጅማዐቹ ብህላሙ ህለው። ኣካን መታከዩ ዐመሲ ሽዑብ እበ ትትቀደሩ ባኑህ ህለ፡ ዋናብ ሌጠ ታርፈ ህለ፡ በዲር ለዐለት መኪነት እስዓፍ ሰኒ ትሰዴነ ዐለት፡ ዓምሳት ምን እለ እንዴ ረፍዐተ ነቅፈ ተኣበጸሐ ዐለት፡ ላኪን የም ኣየ ጌሰት ኮንዶእ፡ እሊ ህዩ ደረር ሰብብ እትነ ህለ።

ብዕድ ፈሀመን እት ዓፍዩት ውቁልቲ። እግልሚ ምን እንብል የም እት ቤተ ለትወልድ እም ይህሌት ምን ልትበህልመ ምን ኣማን ለሪምኮ ኢመሰል እቲ፡ እት ነዳፈት ድዋረን እግልሚ ነዳፈት



መስኡል ዳሕዩት አግረዕ ሻብ ሙሰ ሳልሕ ኢብራሂም

እም ዓፍዩት ክምሰልተ ሰበት ለኣምነ እትሊመ ዶረን ዐቢቲ። ክሸቦ ኣንሳት የም ረቢ ነህዩ ምኒነ፡ መደረቲ ሰበት በዝሐት የም ክሸቦ ኣንሳይት ክምሰል እጅራም ሰበት ልትረኤ ክሸቦ ህለ እግል ልትበህል ኢቀድር። ካልእ ህዳይ ምተሐት ዕምርመ የም እት ተርፍ ገይሰ ህለ። እሊ ህዩ ለሽዑብ እብ ዓመት ወኣንሳት እብ ፍንቲይ እት ልትፍህመ ወለኣምረ ሰበት ጌሰየ ምነ ቀደም እለ ለዐለ ባሊ ዓዳት የም ትባለሐነ እግል ኢበል እቀድር።

ኣዜ ዲብ ደንጎበ ለእምብለ ምን ተህሌ፡ ሐቲ ዲብለ ምህሮ እግል ዐባዩ ኣሰክ ሳልሳይ ሌጠ ሰበት ቲ፡ ምኑ እግል ንሕለፈ



ዐሊ ማሓመድ

ለኣሰትህል፡ ብዕድ ዲብ እለ ዕያደትነ ለዐለት መኪነት እስዓፍ ዝያደት እግል መንፈዐት አዋልድ ኣንሳት ኣካነ ውቅል ሰበት ዐለት እግል ትኣቅብል እትነ፡ ወመሕበር ኣንሳት ህዩ ዝያደት እህትማም እግል ለህበነ እትወሴ።

ዲብ ደንጎበ መስኡል እዳረት ድዋዩሕ አግረዕ ሻብ ሙሰ በሰ ክሉ ትበህለ። ላኪን ሕነ እብ ጀህትነ ብዙሕ እንጠልብ። ላኪን ለዝያደት እግል ዐባት ወተጠውር ገጽ ቀደም ለዋሌ ጋር ገበይ እትሳል፡ ማይ ተዕለም ወዓፍዩት ቲ። ኣዜ ለዐቤት ወእብ ሸፋግ ሐል እግል ልግበእ እግለ ለእንጠልብ እሊ ናይ ማይ ወእትሳልቲ። ሕነ ኣክላ ኣዳም ብዕድ ምን ለትፈናተ ኣካናት ዲብ ፊድዮ ሻርክ ሰምዐናሁ ነፍሰነ ናቅሰት ትመሰል እትነ፡ እግልሚ እትሳል ኣው በክት ተለፎን ምን ለህሌ እግልነ ሕናመ እት በራምጅ ፊድዮ እት እንሻርክ ግልትነ ወበለሰነ። ላኪን ኣሰክ እሊ መሐገዝ እሊ ኢረትዐ ወረቢ ለርትዑ እግልነ።”እት ልብል ወሳዩቲ ሓለፈ።



እግል ምር ዘበን ዝያድ 100 ሰነት ለወደ አክራ-መቅርሕ ፍንጌ ክልሉት ሐው ዐዶታት ላቶም ሊባን ወሐበለ ምን ምዴርያት ሎጎ-ዐንሰበ ወመንሱረ ዲብ ዮም 22 ፌብሩዋሪ 2020 እብ ምን ክልኢተን ለጀሃት ለትወከለው ልጃን ለትፈረመ ውፋቅ ዕሬ ዲብ ካቲመሁ በጽሐ።

ዲበ መናሰበት ለሐድረው ውቁላም ሰብ ሰልጠት ሕኩመት ቃደድ አርካን ቅዋት ድፋዕ ኤረትርየ ጀኔራል ፍሊጶስ ወልደዮውሃስ ወቃእድ ጀብህት ምውዳቅ ጸሓይ ብርጋደር ጀነራል ተክለ ክፍላይ፡ ሐክም አቅሊም



ጋሽብርክ አሰይድ አብርሀ ጋርዘ፡ ወኪል ወዛረት ሐማት አቃሊም ሰፊር መሕመድ ዐሊ ሕሩይ፡ ርኢስ መጅልስ አቅሊም ጋሽብርክ አሰይድ ዐሰማን መሐመድዐሊ፡ መስኢሊን ቅዋት ድፋዕ፡ መሓብር፡ ሚርሐት ደያናት ወሰካን ብዕዳም ዐዶታት ለሐድረው መናሰበት ዕሬ ወዐፎ ለበርናምጅ እብ ዝክረት ሹሃዳእ አንበተ።

ሰልፍ ለትቀደመት ከሊመት ሙዲር ምዴርየት ሎጎ ዓንሰበ አሰይድ አብርሃም ሐገስ ተ። አሰይድ አብረህም እተ እለ ቀደመ ከሊመት፡ “እለ ነሕተፍለ ለህሌን አምዕል እግለ እብ አሳስ ምስተዕምረት ለሐድገው መትዋናን ክልኦት ሐው ምን ረዩም ወክድ ልትከደም ዲቡ ለጸንሐ መሻክል ወክላፍ አርወሕ ወድ አዳም ለነሰኦ አከይ መዋዲት ውላድ ጋን ምን ጂል ቀዳም እንዴ አንበተ ምን ጂል ዲብ ጂል እንዴ ልትዐዴ አሰክ መስተዕምረት ምን አርድ ኤረትርየ ልትነሐው ወክሉ ቁርዶም በዴ አከይ አሰርም ኢተርፈ። ዮም ላኪን ሕኩመት ኤረትርየ ወሽዐበ እበ ከዳሙ ለህለው ተዕሊም እግለ

ዕሬ ሊባን ወሐበለ



ተጠውር ሙጅተመዕ፡ ከደማት እጅትማዕየት፡ ብክ ወታዕሚር ወለ መስሉ ወራታት አክለ አርድ ጸብሐ ከ ብሽራት ዐውቲ እንሰምዕ ህሌን። እብሊ አሳስ እለ እግል ሰነን ሊባን ወሐበለ ምግራሕ ተንሸኢይ ዐባይ ብሽራትተ ከአሰናይኩም ወአሰናይን። ውቲድ ለህለ ዳሴ ዳስ ፈረሕ ወረባሕ ዳስ መቅርሕ ወሰላም” ዲብ ልብል ልእኩቱ ሐለፈ።

እብ ሕዱድከ ሕዱጂ አካን ሐርሼ ወመሸፈል ንዋይ፡ አርደቼ ወአካን መርዲቼ እብል ልብል መሰምስ ዲብ ኖስ ኖሶም ገቢእ ለዐለ አሳዋር እሳት እግል ረበሕ ኖሶም ሌጣቱ ለዐላ፡ እብ አፍካር ሐዳም ሙዋዋኒን አትፋተነዉ ወአትሳበበዉ። ለአሳወረዉ መሻክል ህዩ ዮም ዲብ ካቲመሁ ባጽሕ ህላ።

እንዴ አትለ አሰይድ ደበሳይ፡ እግል እለ ዮም ባጽሐመ ለህሌን ፍገራት ዕሬ ወዐፎ እግል ትትረኩብ ቀደም ሕርየት ጀብህት ሽዕብየት ተሕሪር ኤረትርየ ወእዜ ሐቆ ሕርየት ሕኩመት ወሽዐቡ፡ እበ ነሰኦ ለዐለው መባደረት ሰነት ዐፎ ወዕሬ እብ ዶርዶሩ እግለ ለዐለ ድንጉር አፍካር እንዴ ለአፍሁሙ ወነሱሐ እግለ ዲብ አርወሐት አዳም ለጉበኦ በደ ከምሰልሁ ዲብ ረኢስ መምተለካት ወአብያት፡ አካን ሐርስ ወእክል እብ እሳት ፈኔ ለዐለ ናይ ካቲመ እንዴ ጉበኦት እሉ ዮም 22 ፌብሩዋሪ 2020 እብ ዕንታት ክሉ ሓድር ለዐለ ወለ ሰምዕ ሸሃደት ዐባይ ክም ረክበ እንዴ አከደ እግል ሰርገል እለ ወቀይ ለትዐውተው ወለ ተዓወነው ልጃን ምን ሽዕብ ወሕኩመት፡ መክተብ ጀብህት ሽዕብየት እግል ዲሞቅራዊየት ወዕዳለት፡ እዳረት አቅሊም ጋሽብርክ፡ ምዴርያት ሎጎ ዐንሰበ ወመንሱረ፡ እግል ሚርሐት ደያናት ወዐባዩ ዐድ ሐምዴሁ ቀደመ።



ዲብ ሰርገሉ በጽሐ ዲብ ልብል ከሊመቱ አትመመ።

ዲብ አክር ሓክም አቅሊም ጋሽብርክ አሰይድ አብርሀ ጋርዘ ዲብሊ ቀደመየ ከሊመት፡ እግለ ዲብሊ መናሰበት ለሐድረው ዐዘመት ለጉበኦት እግሎም አቅሳም ሕኩመት ወመሸተርክት “አሰናይ ደሐን መጽእኩም” ዲብ ልብል ሐምዴሁ ሐቆለ ቀደመ፡ እንዴ አትለ አሰይድ ገርዘ፡ “እለ ዮም ነሕተፍለ ለህሌን አምዕል ቃልየት ወክድ ሰላም ወዐማር ኻላፍ ዐዶታት ሊባን ወሐበለ ለሰክበ ወአክተመ እተ መናሰበት ምንጉበኦት እለ አምዕል እለ እት ታሪክ ፍንቲት ወሰሚት



ክምተ” ሐቆለ ዘክረ፡ እንዴ አትለ አሰይድ አብርሀ ጋርዘ “እግለ ልትከደም ለህለ ዐማር ውበኢ ተዕሊም ወክደማት እጅትማዕየት ወእዜ እብ እብ ፍንቲይ ዲብ እለ ወክድ ብግስት ለህሌት ጣፍሐት ጽርግዩ፡ ገበይ አሰመረ ሊባን ሐበለ ምግራሕ ተንሸኢይ መንሱረ አቁርደት ለትአቲ መትነፍዕተ እግል ትግበኦ ሰእየቼ ዐባይ ተ” ቤለ።

እት ደንገበ ምን ክልኤ ለጀህት ለትወከለው ምን ሊባን ወሐበለ ተውቂዕ በህለት ፈርመቶም ከረወ።

ዲበ ዕሬ እለ ክልኤ ዐድ ዐባይ ተረት ለዐለት እግሎም ጀብህት መንጠቀት ምውዳቅ ጸሓይ መዳፈዕት ብኸ ወተዕሚር፡ እዳረት አቅሊም ጋሽብርክ፡ ውዛረት ሕኩማት አቃሊም ወምን ሚርሐት ደያናት ለትወከለው ለዳለ እግሎም ጀዋእዝ ትከበተው።

ፍርቀት አቅሊም ጋሽብርክ ወጠለበት ምዴርየት መንሱረ እግለ መናሰበት እብ ለትፈናተ ሐልየት፡ ተማሲል ወአሸዓር ነያረት ሃይበመ ወዐለው።

ወኪል ወክሉት አክባር ኤረትርየ ሐጅ ሚጀር አቅርደት



አንሳይት ዋልደይት ወሚርሐይት



መርሐባበን አውኪራት፡ ከአፎ አስመንክን፤ ሚቱ እሊ አያም እሊ ኢርኤታክን፤ መድረሰት ከርዐተክን ወለ ወቀይ ብዕድ ረከብክን፤

መርሐብ አቦቹ ዳፍአት፡ ሕነ እብ እንክር ዎሮት መድረሰት ከርዐተነ ወእብ እንክር ዎሮትመ ወቀይ ብዕድ ወሰክነ ከእበ የዐፊነ

ከኢመጽናኪ ሳምሐኑ፤ መድረሰትዲ በዲር ናይክን ተ፤ ለወቀይ ብዕድ ትብላሁ ህሌክን ህዬ ሚቱ መጦር መድረሰት ለትትፈረረ ዲቡ፤

ወቀይነ አክለ ናይ መድረሰት ረዩም ዘበን ለነሲእ ምንመ ኢኮን፤ ገሌ ወቅት ወመትዳላይ ለለሐዜ ዐለ፤

የሀየ አዋልድ፡ ምን መድረሰት እግል ተአንጎግዩ እንዴ ትብዩ ተአመሰምሰ አተሀልዩ፤ ሚቱ ለወቀይ ለአዜ ከረ እንትን ለትትፈረረ እግሉ፤ አስእላኒቱ፤ አተአትማሽ ምንዩ፤

አቦቶን፤ እሊ ወቀይ እሊ እግል ክለነ አንሳት ለከሰስ ወነኣይሽ ወዐባዩ ለሽምል አምዕል ሰማን ማርሰ አምዕል አዋልድ አንሰ ቱ፤ ከሕናመ እሊ ሐቱ አምዕል ዲብ ክለ እዲነ ለትትዘከር እብ ነያረት እግል ነዐይደ፤ እግላ ለከሰስ በርናምጃት ዓዳት ወፈን ነኣትዳሌ ወንትላመድ ዐልነ፤ እሊ ህዬ ምን መድረሰት ክም ትፈደሰን፤ ሰርነ ሐልዩት ልትላመድ ወሰርናመ አሸዓር ለኣትዳሌ ዐለ፤

ዐጅብ! አዋልጄ አውኪራት፡ ሰኒ ወዴክን፤ እሊ አምዕል እሊ እብ አንሳት ሌጠ ለትትሰሚ ምንማተ ክሉ ትከሰሱ፤ ሰበቡ ህዬ ክሉመ አንሳይት ለዓቤቱ ወአሸንገለቱ ቱ ለገንድል ዲበ እሊ እዲን፤ አላ! አቅነእክናኒ ገደ

አቦትክን፤

እብ ከአፎ አቦቶ፤ እንቲመ አንሳይት ወእም ዐባይ እንቲ ማሚ፤

ዘበንቱ ለአቀንኣኒ ለሀለ መናቢቹ፤ ክል ዎሮት ከዘመኑ መልኩ፤ ዲብ ዘበነ አንሳይት ምን ቤት ኢትፈግር፤ ዲብ መሕበር ኢትጠርቅ፤ ኢትትሰኣል ወኢትበልሱ፤ ረኣይ አለበ ወሰመ፤ አፋህ ወዕንተ፤ እት እዴ አቡህ ውበእሰ ነብረ፤ እላመ እንዴ ሐልፈት አሰናይ እትለ ደረጀት አዜ ባጽሓመ ህሌነ በጽሐነ፤ አንሳይት ሐቀ እብ እዴ ኖሰ እግል ትርከብ መጦር ሐውሀ ናደለት ወሕርየት አምጸአት፤ ዲብ ዐቂብ ሰያደት ወዐማር ወጠነ እንዴ ሻረከት፤ መጦር ሐውሀ ገንደለት፤ ደርሰት ወዲብ መንበር ሕክም ትገሌት፤ እት እዴ አቡህ ውበእሰ ለዐለ ሐቀ እብ እዴ ኖሰ አሰበተቱ፤ እንትንመ እሊ እንትን ዮመቱ ምህመት ዐባይ እንዴ ሀብክናህ አምዕል ሰማን ማርሰ እግል ተአግምለ ምህርትክን

ሰደድክን፤ አሰናይ ተእሪክ አንሳይት ለቀዳም እንዴ ትበደሉ፤ ድግም እንዴ ጉብኣ ጸንሐክን፤ ገድም እማትክን ወሐዋትክን ለአጽነሐያሁ እግልክን በክት እንትን ትከበታሁ ወአንብራሁ፤ እማትክን በክት እዋፍሓት እግልክን ህለዩ፤ እንትን ህዬ ምነ ለሀለየ ወለዐል እንዴ ተረድክን አውቅዩ ዲቡ፤ ፈርግ ፍንጌ አንሰ ወተብዐት እብ ለጉብኣ ወቀይ ሐቱ ክም ገበኢ ክደመ፤ እት ክሉ ወቀይክን እግል ትትወውተ ህዬ ዲብ ዐግሎ ምህሮ መጦር ሐውክን እግል ትግብኣ ለአሰትህለክን፤ ትሰምዓኒ ህሌክን ማሚ አውኪራት፤

ሰኒ እንሰምዐኪ ህሌነ አቦቶን፤ ክልዶል ምንኪ አምር ወፍክር ሰኒ እንከሰብ፤ ክሉ እብ ምህሮ ሰበት ልትበጸሕ ህዬ ዲብ ምህሮነ እግል ንተረድ ቱ፤ ምክርኪ እንሻለ ዲብ ዋሩቅ ይእንክርዩ፤

ረቢ ልሰዴክን አዋልጄ አውኪራት፤ አናመ እደምነ ዲብክን፤

ክእናመ ሀለ

ዎሮት ሕጻን ክሉ መዋዲቱ ድድ ዐለ፤ ደለ አቡሁ ቤለዩተ እብ ድድ ልፍህመ ዐለ፤ እግል መሰል ሰኩብ ምን ለቡ ፈዘዕ፤ አክርር ምን ልብሉ ቀንጽ፤ ሰቱ ምን ልብሉ በልዕ፤ ተሃጌ ምን ልብሉ ለአዝም፤ ዓርፍ ምን ልብሉ ከድም፤ ቀደም ምን ልብሉ ግራ፤ ብኔ ምን ልብሉ ሰብረ፤ ደለገብኣት ገጽ ግርሀ፤

እብለ ሓለቶም ምስል እንዴ ነብሮ፤ አምዕል ሐቱ እት ንዋዮም ክሰኣም ዲብ እንቶም፤ ፈረሶም እብ ኣሰ (ጸድፍ) ሸበት፤ ለኣብ ምነ ፈረሰ ረዩም ሰበት ዐለ፤ ለውልዱ እንዴ ረድኦ ለፈረሰ እግል ልብለሱ፤ ዎ ፍላን ሰዴሰዴ ሐቀለ ቤለዩ፤ ክል ዶል

ድድ ሰበት ልፍህም “ለፈረሰ ብለሰ ሕኔት ልብሉ ለፈረሰ አጽድፈ፤ ሸፈግ አጽድፈ” ቤለዩ፤ ለጅነ ህዬ እት ልሰዴ እንዴ መጽኦ፤ “አላ! እሊ አቡዬ ዲመ እብ ድድ ሰበት እፍህሙ ለሐርቅ ዲብዬ፤ ዮም ላኪን ህግያሁ እግል እሰመፅ ወጅብኒ” እንዴ ቤለ እግለ ፈረሰ እብ ኣሰ አጽደፈየ ልትበሀል፤ ረቢ ሰመፅ በሲር ለሀበነ፤



ፍክር አውኪር ወመትፌታቱ

ዎሮት እናስ ጀሪደት እት ቀርኦ፤ ወለቱ ንኢሽ ክልዶል እት ተኣትቃብል ጀርሰት አርኤቱ፤ እግል ትትወርኬ ምኑ ሰበት ሐዜ ሐቱ ከሪጠት ዐለም ለዐለት ዲበ ወረቀት እንዴ ሻጠጠ፤ ለከሪጠት ዲብ አድሕድ እግል ተኣትላዋኦ አሰአለዩ፤ እሊ ሸቅል እሊ መደት ረያም ክምሰል ነሰእ ምነ አምር ሰበት ዐላቱ ክምሰልሁ ለወደ፤ ምናተ፤ ለወለት ዲብ ቀበት ሐምስ ደቂቀት ለከሪጠት እንዴ ኣትላዋኦተ መጽኦቱ፤ አቡህ እንዴ ትፈከራ፤ ከአፎ ክእነ እብ ሽፋግ ኣትላዋኦክዩ፤ ሕዱድ ናይለ ድወል ከአፎ ፈረግክዩ፤ እት ልብል ትሰኣለዩ፤ ለወለት ሰሕቅ እት ትወዴ፤ ዲበ ካልኣይ እንክረ ገጽ ናይ እናስ ሰበት ዐለ እግለ ገጽ ክምሰል መርጀዕ እንዴ ነሰኣት እግለ ከሪጠት ኣትላዋኦክወ፤ ዲብ ትብል በልሰት እቱ፤ ለእናስ ምነ ውዲት ናይለ ወለቱ፤ ለጉብኣት ጋሪት ካልኣይ ገጽ አው ብዕድ በሰር ክምሰል ህለ እግለ እግል ልፈህም ቀድረ፤

ፈርግ ፍንጌ ማሌ ወዮም

አውኪራም፤ ዘበን ቅዱም ክእነ ክም ዮም ድራሳት ወተጠውር እንዴ ኢመጸኦ፤ አበውክም ለቀዳምያም ክሉ አምሮም እብ ረኣሶም ጸቡጡ ነብረው፤ አሰማይ፤ ዓዳት፤ ሰዋልፍ፤ ሐልዩት፤ ሞላድ፤ ወለመስሉ ክሉ እብ ረኣሶም ጸቡጡ ወምን ረኣሶም ደጉሙ ነብረው፤ ኣቤ፤ በዲር ክእነ ክምሰል ኣዜ በክት ክታበት ወቅራኣት ሰበት የዐለ፤ ለለኣትዐጅብ ህዬ ፈርግ ፍንጌ ዮም ወማሌ ለዐላቱ፤ ቀዳምያም ዲብ ምኮም ሰጅሎ ወምኑ ለሐንፍሎ ነብረው፤ መኣኩብ ሰኒ ትሩድ! ዮመቱ ህዬ ዲብ ወረቀት ልትኣኩብ ወምነ ልትሐንፈል፤ ክሉ እዕትማድ ዲብ ወረቀት ወቀለም በሀለት ቱ፤

ለሀለ እግልከ ተፍኪር እግል ትነዝም፤ በዲር እብ አሸዓር ልትዐበር ወዲብ ምክ ልትኣኩብ ዐለ፤ ኣዜ ህዬ ዲብ ተሐሱብ ዘመን ነሲእ ምንክ ወዲብ ትክትብ ክምሰሌሁ፤ ዲብ እሊ ወክድ እሊ ክምሰለ ቀዳምያም ምን ረኣሶም ለጸብጦ በታተን ይህለው ምንመ ይእንብል፤ የምክን ሐዳም እግል ለሀሉ ቀድሮ፤ እብ ሐንገልከ ጸቢዋ ዘኻየት ሐንገል ለአጠውር፤

ከእንዴ አውኪራም እንትም ከማን ምን ረኣሰክም እግል ትጽብጦ ወቲበሎ ጀርቦ፤ ዲብ አጠወርትዛክርየትክም ሰዴክም፤ ጀርቦ፤ ለጀርብ ልትዐወት፤ እግል ዮም ሐቱ ሸዕር ምነ ናይ አበውነ ለቀዳምያም፤ እግል ንቀም እግልክም ቱ፤ ከሕበር ንቅርኦ፤

መሐመድ ሕሴን ለልትበህል ሐልያይ ምን ማርዩ ጸላም፤ ድሙል ዐለ፤ ምስሉ ዲብ መኣከይ ክሰኣም ለዐለው ጸሩ ድመሎም ይኣሰበተው ወመርባት ይኣቅሰነው፤ ከህቱ ዲቦም ሰበት ትደመለ እግል ልሕሌ ፈተ፤ ምስለ ድመሉ ህዬ ቡን እግል ልሕሌ ሐዘ፤ እግል ሰብ ድመል ወቡን ህዬ ክእነ ሐለዮም፤

እትሚ ልትደመል ፍቴሕ ድመል ለኢወዴ

ድመልነ ሼደሊተ ዶል ከእግለ እንተኪ

እት ክግርነ ነሓብረ ኩብድነ ትንሰእ እንፈቱ

እት ልባሰነ ነሓብረ ሸርምት ላተ እንሰፈ

ለኩብረ መጃልሰ ተ እት መሓብር ትሰቱ

ቡን ክራህት ተ ዊደት ጂቡ

ለኢጨቅም

ወእት ስምጡ ፍጃን

ለኢከፊ

ፍጃን ኪተተ ወልትላበር

ወበዴ

እት ክልኣት ሰተየ ለለዘተ

ምን ተሐዜ

እት ሰለሰ ሰተየ ለተሐዝ

ሚ ወዴ

ቡን ኣርብዐት ረቅቅ ምንክ

ወተኣኪ

ቡን ሐምስ ደምቀተ ዝበዋ

ኩትወርኬ

ቃልየት ተ ሼደሊ ወቃሊቱ

ለእቡ ትሰቱ

ፍጃን ጀርመኒ ቱ ግምሽ

ሀለ ልትኣሌ

ዋልፍ ላቱ ሼደሊ ሕቅነት

ሰከር ኢወዴ

አመት ለድመል አለበ

ትብለዕ እግለ ወትሰቱ

ሹም ኢግልየ ኖሱ ሸርም

ወሰፈ

ኢልቡሉ እብ አፍሆም


ወኢዋርዉ እብ እዴ

ህግያሁ እብ ውራቅ ተ

ረኣሰ ተለፎን ልትገሌ

እትሚ ልትደመል ፍቴሕ

ድመል ለኢወዴ



አሳር



ወ

ሰዶሐት



ሕላይ ሰብ በዲር

ምን ገዲም አሳር ኤረትርዮ

2^ይ ክፈል

ቆሓይቶ

እለ ርዝቅት ናይ አሳር ገዲም መዲነት ለዐለት፡ ብዝሓም ኬትበት፡ ገዲም ክቲብ ፕሪፕለስ (ኮለለ) ክመ ለሸርሐው፡ ምን ገዲመት ሚነት አዱሊሴ፡ ገበይ ሰለስ አምዕል እብ እገር ለህሌት ናይ ሰልፍ ንጎት ሐረምዝ ለልትዘቤ እተ ዕዳገ ክምሰል ዐለት ልትህደግ። ቆሓይቶ ኣዜ እት ደዋሐ ዐዲ-ቀይሕ አቅሊም ግብለት ለህሌት መንጠቀት አው ዐድ ተ።

ገዲመት መዲነት ቆሓይቶ እብ መካሪተ እት ብዙሕ ርክን ድፈዓት አካናት ለትአሰሰት እት ገብእ፡ እብ ተውሳክ ቆሓይቶ መትራክቢት እግለ ምን በሐር ቀየሕ ለመጽእ ትጃረት ውበዕድ እተ ቀበት አርድ ቀር አፍሪቀ ለትትዐዴ ክም ዐለት ልትሸረሕ። እበ ለትረክቡ ለዐለት ወራታት ትጃረት እተይ ወደራይብ ስካ ሚልከት እቅትሳድ እንዴ ገብአው ዐባዩ መባኒ በው። ምን ንዝምት መዲነት ምሰል ጽርግዩታተ። ምን ናይ እለ ገዲመት መዲነት ለልአትዐጅብ ምን ለህሌ ርሕብሃ ተ። እብ ተቅዩም ዕርድ ምን ዎሮ ርክን ናይለ መዲነት እተ ብዕድ እንክር ሰማን ኪሎምትር ልትመደድ። እትለ መዲነት አርባዕ ቤተ መቅደስ ለመሰል ህለ። ሐቲ ምን ድበን ቤት-መቅደስ ዐሰር ወክልኤ እመን ክምሰል ዓሙድ ሓፍዘት ትትረኩቤ።

ናይ ቆሓይቶ ምህም ከዛን ሳፋሪ ልትበህል። እት ወክድ ከረም ለዐቅረዩ ማይ እት ወክድ ሐጋይ እግል ሰካን ቆሓይቶ ለአረዌ ከም ዐለ፡ እትሊ ወክድ እሊመ ምን ገብእ እግል ሰካን ናይለ ደዋሐ ክም ከዛንቱ ከድም ለህለ። እምበል እሊ እት ቀበት ዐቢ በልቃይ አው ሐንቱ አርድ ለትጸረቢ መቃብር መሰር ለልትበህልመ ህለ። እትሊ ላኪን እብ አኪደት ምንመ ኢገብእ ለዩብስ ገናይዝ አደሚ ‘መ-ሚፋይድ’ ክም ዐለ፡ ምናተ እብ ውላድ ጋን መሰተዕምረት እንዴ ትዘመተ እት ረዩም ዐድ ክም ገዐዘ ልትህደግ።

ቆሓይቶ ገዲም አሳሳት ተጠውር፡ መርከዝ ሲያሰት መምለክት ናይ እለ ዮም ኤረትርዮ ክም ዐለት እብ አኪድ እብ ዕልም ለትአክደ ዕምር ምንመ አለቤ፡ ለህለ እተ ገዲም አሳር ሰምዐ በሰር ናይለ ታሪክ ወሐዳሪተ ክምቱ ልትህደግ። ገሌ ምን አሳር ክመ ለሐብሩ ገዲመት መዲነት ቆሓይቶ እት ዘመን ቀደም እትየት ዲን ክሰታን ለህለ ወክድ ክም መዲነት ዕምርት ክም ዐለት



ልትሸረሕ። ገሌ መዳይን ናይለ ወቀት ለሀይ ክምሰል ቆሓይቶ ለልትህደገ ክምሰል ከረ ቶኮንዳዕ፡ ከስከሰ፡ ሕሸመሌ ውብዕዳት ሸምል።

ቆሓይቶ እት ድዋረ ለህለዩ መዳይን ገዳይም፡ እብ ሰበት ታሪክ ወገዲም አሳር አግል ቤጽሐት ወሰብ በሐሰ ታሪክ አሳር ገዲም እግል መትከባት ዐቢ ጽበጥ ህለ እለን። ጽበጥ ዓዳት ወአሳር ገዲም ወውርስ እት ህለ እክ ጽበጥከ

እት ዕዳጋ በጽሐት እግል ቀደሞት ጣፊሕ ለገብእ እግል ብቤጽሐት ለልአትናይት ቲለል ጀላብ እግል ለህሌ ጸገም ትሩድ ለትሐዜ። እሊ ህዩ እግለ እቲ ልብሕሶ ለገብእ አግቡይ ፈናድቅ፡ ቲለፎን፡ ከጥ ከህረበት ወማይ ምህም ሰበት ቱ ምን ኣዜ እግል ንትፈረር እቲ ለአትሐዜ።

መተርጅማይ ሳልሕ ገማ
ዴማት መጀለት ሰዶሐት
ሰብተምበር 2002

ምን ሰዋትር ሰሙድ

2^ይ ክፈል፡-

ምሔርበት እት ድዋራት ነቅፈ ዲብለ እሰራተጂያይ አካናት ወመካሪት ሰዋትር ሰሙድ እንዴ ነድቀውቶም አሰክለ ናይ ደንጎበ ጊመት እሰትዕማር ምን ድዋራት ነቅፈ ትትገልጸጽ ለተሓረበው ወእብ ፍርሰነት አርወሐቶም ለቤዘው። እሊ ሰዋትሮም ንዱቅ እቲ ለዐለ አካናት ህዩ አምበለ ናይ አሰል ሰሜቱ ምሰል አዋይን ወቲለል እብ ምሔርበት ለተምበለ ሰዋትርመ ሐድ ኢኮን።

ገሌ ምና እብ ደም ወለሀበት መሔርበት እት ድዋራት ነቅፈ ለትበን ሰዋትር ሰሙድ፡ ምን ድገሉብ አሰክ ድማን እብ ክእነ ልትአመር፡ ደብዐት፡ መንደዐት፡ ሐለሸቶ፡ ደብር እመን፡ እንደ ቡምቤ፡ አብር፡ ምሕናቅ፡ እብ ሐብል ዲብ ተሀንጦዋል ልትአቱ ለዐለ አሰ ለዐለ ሰዋትር ሲፓርታኩሴ፡ ለኩፍ ቀናብል እዴ እብ እዴ ገብእ እቲ ለዐለ ናይ አምታር ሪም ለዐለ እሉ ሾሊቦል፡ ትክሴ፡ አርወ፡ ኩባንያ፡ እንደ-ዱባሌ፡ መርኩብን፡ ፍዴል ፔ፡ ተበት ሰላም፡ ግሎብ፡ ሪጎሌ፡ ዋንጫ፡ ደንደን፡ ፈርኔሎ፡ ሰዋረ፡ ቲሰተ፡ ሰምበል፡ አፍንጫ፡ አሰክለ ወቁል

ረወሪት ሮራ-ሐባብ ለልትመደድ ወምሰል ጀብህት ሐልሐል ለትበጽሕ ጀብህት ሰሙድ እት ታሪክ ንዳል ሸዐብ ኤረትርዮ አካነ ዐባይተ። ለበዝሐ ጄሽ ዐዶ ለትጀለፈ ዲባ ወለበዝሐው ፍራስ መሔርበት ለአሰተሸህደው ዲበ ጀብህት ዐለት ጀብህት ነቅፈ። እብሊቱ ህዩ ነቅፈ እም ሰሙድ ወእሻረት ሰሙድ ለትበህለት።

ላጅኢን፡

እለ ከሊመት እለ እብ ዐረቢ እት ትገብእ፡ ዓልያም አው ክቱላም ለበህለትተ። እሊ ድፈዕ እሊ ምን ድፈዕ ደንደን እንክር ድማን እትለ ህለ ብራር እንረክቦ። ላጅኢን ለትበህለ እቡ ሰቡብ ረኤነ ምንገብእ፡ እሊ ድፈዕ እሊ ዲብለ ከጥ ሐርብ ምንማቱ፡ ሄጅማይ ጄሽ (አባይ) እሉ እንዴ ጸብጠ ዲብ ሐንቱ ዐባዩ አድብር እንዴ ገብአ ምን ግረ ሰበት ልትዘበጥ፡ ምን ጸብጠሙ ለለአመጸአ ፋኢደት አለቤ። ሰበት እሊ፡ ለዲብ ብዕድ ድፈዓት አው ሰዋትር ልትሓረቢ ለዐለዩ ውሕዳት፡ ቅወት አዳመን እብ ጅረሕ ወእሰትሸሃድ ለደዐፊያ ፈሳይል እግል ዕርፍ ለልትከተለ እቲ ድፈዕ ሰበት ዐላቱ

ዲበ ሐልፈ ርክን መዐፍየት ዐሊ ወድ ፋይድ ለልትበህል ሐልያይ እብ ሰበት መርባት ወሕሚት ለሐለዩ ሕላይ ርእያም ዐልኑ፡ እትለ ናይ ጥብዐት ህዩ እብ ሰበት ድመል ለቤለዩ ሕላየት እግል ንርኤ፡-

ሕነ እግል ድመል - ሴመ ኢወዴን
ንዋይ ኢዘመትነ - ከእቡ ይኣቲነ
ግሰስ ኢጋረብነ - ወሕረም ይኣትባኬነ
ማይት ወአቅሰነ - ኖሰነ ወደርኬነ
ነፍሰ ኖሼ ትቤ - ከአቤት ዲበ ጸነ
ኣዜ ዲብ ምን ንእቲ - ሐቲ ክም ወዴነ
እብ ዲደትነ ንሰኩብ - ክም ሴመ ኢትዋዴነ፤

ዕመር ወድ ሕመድመ ምን ዐቲማርያም እት ቅብላተ እግል ድመል ክእነ አትዐረ፡-

ጸላም ታሌት ባድማይ - ወቀሰብተ ወረደ
እብ ምድርቱ ኢተርፍ - በዲርመ እለ ለኢወደ
ኣነ ድርፎቱ መስኩብዩ - ተኣክበኒ እት ክል ሳሰተ
አበ ነጋቱ መንባዩ - ድሩይ ለመሓዛት ሐንበጸ
እንብሊሎሁ ልትሀረም - ሰናዲሩ ትጣረሽ
ገናይዝ ለቀይሐት ዕንታቱ - ሐንለ ያበል ትዋደቀ
በለው ብእተ ወሼክ - ጸውረ ብእተ ወአሰፊደ፡

ክም ቤለ ኣዜመ ቅብላተ ኖር ወድ ግሙሕ ለልትበህል ሓልያይ ክእነ በልሴ፡-

ሕነ ዕመር ወድ ሕመድ - ወኢፈቲነ ቅታሉ
ድራርነ ወሀብናሁ - ምንዲ ከሸፍ ድራሩ
ጸዕዳ ረኣሰ ወሓሰሰናሁ - እግል ልዕፌ ጽላሉ
ንትጋሴ ምን ልብል - ጎማት ዳርናታ ወዳሩ
ወንትዋዴ ምን ልብል - ጣርነ ንሰደድ ወጣሩ
መሓዝ ድርፎነ ነአምሮ - ሰለሙናተ ምግላሉ
አበ ነጋቱ መንባሁ - ምን ልትሃጌ ሚ ጋሩ
አድብር መሓዛት በልሶ - ምንዲ ደንን እብ ለዓለ፤

ሙናድሊን ላጅኢን ለትብል ሰሚት ለአተንበለው።

ዋንጫ

ዋንጫ፡ ዲብ ደብር ደንደን ትንኩብ ለህለ ደብር ብሉሕ ቱ። ዋንጫ አባይ እብ ቀላል ለልርእዩ ወለለአደምዑ ድፈዕ ምንማቱ፡ ምን እብ ቀናብል እደይ ለትወቀረው ድፈዓት ላኪን ኢኮን። እሊ ለገብእ እቡ ሰቡብ ህዩ፡ ምን ደብር ደንደን

ሸበህ ግረ ቅርብ ብህል ምን ገኣ ቱ። ዋንጫ ለትብል ሰሚት ምን መባትኩ ለትበገሰት ተ። እሊ ደብር እሊ ምን ቅብላት ትርእዩ ዲብ ህሌክ ለትገፍተአ ዋንጫ (ምሊሊክ) መሰል። እሊ ለረአው ሙናድሊን፡ ዋንጫ ለትብል ሰሚት አተንበለው። ዋንጫ ሻንን ወምን ቃብል ለልትረኤ አሮት ምን ታሪካይ ድፈዓት ነቅፋ ቱ። ልተላሌ....



እብ ደም ወለሀበት ምሔርበት ለትሸቀ ሰዋትር ሰውረት

ሸባብ



ሕዱግ ሰሌማን

“ዎሮ ነፈር ሻሬዕ ለለአነድፍ ሸቃላይ እግል ልትበህል ገበአ ምን ገብእ እግል ሻሬዕ ክመ ምኬኤል አንጀሎ ለረሰመዩ ሰወር፣ ክም ሼትሆሽን ለሸቀዩ ለሐን ሕላይ፣ አው-መ ክመ ሼክሰፒር ለከትብዮም አሸዓር እብ ባቃዐት እግል ለአንድፋ ወጅብ፣ ምን ምድር ልግበእ መምን ሰመ ለመጸኦ ሲያሕዩን እንዴ በጥረው ‘አህ ረአው እትለ አካን ሸቅሉ እብ ዋጅብ ለሸቄ ብቻዕ ሸቃላይ ሀለ’ አስክ ልብሎ እግል ልውደዮም ቡ።”

እለን ከሊማት እለን ምን ህግዮ፣ ምስኡል ሐረከት ሕቁቅ እንሳን ለዐለ ወጃኢዘት ኖበል ለተዐወተ ዶክተር ማርቲን ሉተር ኪንግ ለተነሳሰዩ ተን። ምን እለን ከሊማት እለን ለእንፍህመ ምን ተህሌ፡ ዎሮ ነፈር ሸቅሉ እብ ዋጅብ እግል ልሸቄ ገበአ ምን ገብእ ሰለሰ ሓጀት ለአትሐዘያሁ። ህተን ህዬ፡ ሸዑር ትሩድ(ንዩት)፣ መትሰሳል፣ ወመቅደረት ተን። ከእግል ዮም እብ ሰበት መቅደረት አው ምህነት እግል ንትሃጌ ተ። መቅደረት በህለት ዎሮ ነፈር እት ሸቅሉ ለሀለ እሉ መትኢያስ ወአደብቱ ለሸፊሕ። ዎሮ ሸቃላይ፣ ሚ እግል ልሸቄ ቡ? ሚ ዶል እግል ልሸቀዩ ተ? እግልሚ ሸቀዩ ሀለ? ከአፎ እንዴ ወደ እግል ልሸቄቱ ዶል ለአምር ወእብ ዋጅብ ሸቅዩ ምን ሀሌ፡ በዐል መቅደረት/ምህነት እግል ልትበህል ቀድር። ምህነት ለገአት መአሰሰት አው መድረሰት ኢተህይቡኩ። ምህነት እብ ትሉሉይ ጅህድ ወካድምቱ ለትመጽእ። መቅደረት ትሉሉይ ጀርቤታት እብ ውድዮት ወነፍሰክ እት ክማለት ክም በጼሕ እብ ውድዮት ትመጽእ። እሊ ህዬ ምስል ነፍሰክ እት ትትጃገር ምን ማሌ ዮም ወምን ዮም ፈጅር ክም ተሐደሰ እግል ትውድዴ እት ትሩድ ካድም ነፍሰ እግል ትፈረር ብኩ። ትሉሉይ ድራሰት ነሰእ ህዬ እግል ለትገይሰ ገበደ ለአጠፊሕ ወአጊድ እት ምራድክ ክም ትበጹሕ ወዴ። ካልእ ምህም ሓጀት ምን ተህሌ ህዬ ምሉእ ወቅትክ እግል ምህነትክ ሀዩብቱ። ክእነ ሐቆ ኢወዴን እብ ሰር ፍክርያትክ ወቅትክ ሐሊትክ ወንዮትክ ሰበት እንሸቄ መቅደረትክ እት ውቅል ደረጀት እግል ነፃርገ ይንቀድር።

አዳብ ዎሮ በዐል መቅደረት/ ምህነት

- ሰቡል ወበዐል ገለድ እግል ልግበእ ቡ። ምስል ሸቅሉ ለኢገይሰ ሓጃት ምኑ ልትሓፈዝ። ወቅቱ ወወቅት ብዕዳም ለሐሸም ወእግለ ምኑ ሰደዩት ለለሐዙ ሰዴ።
- ለእቱ ሸቄ ሀለ መጃል

እብ ዋጅብ ለአምር፣ ምስል ሸቅሉ ለናሱብ ኦብሳር ወክዘርያት እብ ሰኒ ልትነፈሶ እቡ ወ ሰኒ እንዴ ወደ ለአምሩ።

□ ሸቅል ቤት እብ ዋጅብ እግል ልሸቄ ቡ። አምር ሰር- ሰሮ ሐቆ ገብእ ደማነት እት ነፍሰ ለአበዴ። ለኢለአምሩ ፍክር ምን መልህያው ሐቆ መጽኡ ልትከበቱ ወእብ ሰቡቱ ብሐሳት ወዴ።

□ አሆታይ ፍክርያት እግል ለሀሌ እግልና ቡ። እግል መጸኦ ፍክር እብ ቀልብ ሰኒ ሐቆ ኢትከበትናሁ እግል ንትዐወት ለሀለ በክት ሐድ ተ። ክመ ዎሮት ፋላሰፈ ለበለዩ “ለትበህለቶም ለኢወዱ ወክመ ለትበህለቶም ሌጠ ለወዱ ኢልትዐወቶ”። ምን ለተሀዩቤን ሸቅል ወለዐል ንክደም እግል ንትዐወት።

□ መቅደረትክ እብ ትሉሉይ



ነግቤ።

□ ክል ዶል መሰኡልዮት ናይ ሸቅልክ ልግበእ መለሳድፋክ አክላጣት ንሰእ።

□ ምን መልህያምክ እግል ትድረሰ ዱሉይ ገበእ ወመቅደረትክ እግል ብዕዳም ምን አድረሰት ኢትትሀኪ።

□ እግል ምስልክ ለሸቄ ሸረፍ ወእሕትራም ሁብ።

□ ልባሰክ ወዕላቃትክ ምስል አዳም ጅወትክ ለሸረሐ

ሰበት ገበአው እብ ዋጅብ ተነፈሶ እቦም።

ሚዛን ምህነት/መቅደረት

አክልሕድ ምህነት እግል ትትቀየሰ ምንመ ኢትቀድር እለን ለተልዩ ሰኣላት ሐቆ በለሰን ምቅደረትክ እትሚ ደረጀት ክም ህሌት እግል ነአምር እንቀድር።

□ ከአፎ እንዴ ወዴኮ ሸቅልዬ እጠውር?

□ እለ ለሀሌት እዩ መቅደረት አው ሸሃደት እግል አምጸኦት ለአብዴኩሁ ወቅት እት መዓሉ አውዐለኩሁ መኢፋሉ?

□ ዮም እት ሸቅልዬ ሚ ለመሰል መቅደረት አርኤኮ?

□ እብለ ምህነቼ ሸረፍ ወእሕትራም እረክብ ህሌኮ ገብእ?

□ ምስል ክምሰልዬ ሰብ መቅደረት ዕላቀትጅ ከአፎተ? እንዴ እንቤ ንሕሰብ ወንብለሰን።

ሕሳብ ከአፎ እብ ለተኣትዐጅብ ገበደ እንሸቀዩ



እት ብዙሕ ክትብ ሕሳብ ክም እም ናይ ዕሉም ቱ ለትትነሰእ፣ እሊ ሌጠ እንዴ ኢገብእ፣ እት ብዙሕ መጃላት ዕልም ገጽ ቀደም እግል ሊበል፣ መበገሲክ እት ሕሳብ ሰኒ ዶል ገብእ፣ ሰኒት ፍገረት እግል ተአምጽእ ለሀለ በክት ዐቢቱ። ከምን እሊ ለእንፍህመ ምን ተህሌ፣ ሕሰት ሕሳብ ምን ምህማት ሕሰስ ናይ አሳሰ ዕልም ተ። ምናተ ብዝሓም ናይ ካላኦይት ደረጀት ልግበእመ ናይ ኩልያት ደረሰ፣ ሕሳብ ክም ሕሰት ክብድት ልርእወ። ክእኒ ምን ሐሰበው ሌጠ እት ክለ ፍገራቶም ተአሲር ተአመጽእ። ላመ ሕሳብ ለፈቱ፣ እብ ሕሳብ ለልትአየሶ ወእብ ውቅል ደረጀት ሕሳብ ለልደሐሮ ደረሰ፣ ዕልም ሐድ ተ።

ከምን እሊ እንዴ አትሌክ፣ ሕሰት ሕሳብ እብ ከአፎ ቀላል ክም ትገብእ እንዴ አመርክ፣ እብ ደማነት ነሐፍዘ እግል ንርኤቱ።

ህ. ተርጀመት ናይላ እንሸረሐ ለህሌን አርእሰ እግል ደረሰ አፍህምት።

እሊ ፍክር እሊ፣ እግል መደረሲ ለከሰሰቱ። ፈሰል ነኡቱ እት ህሌክ፣

ወቀደም እት ሸፊሕ ወጽበጥ ናይለ አርእሰ ነኡቱ ደረሳክ፣ ለአርእሰ ግሩም ፍማመ ክም ህለው እግል ነኡክድ ወጅብ። እለ ሐቆ ኢወዴክ፣ ክመ መሰል ለሐካይም ልትነፍዮ እንገብእ። እገርለ ሐርማዝ ቀደም መርመርትክ፣ አወል ሕርማዝ ክምቱ ረኤ ለትብል” መሰል እግል ኢንግበእ ሕሳብክ ንውዴ። ሰበት እሊ አወል ለአሳሰ ናይለ አርእሰ፣ ደረሳክ እብ ግሩም ፍህማመ ክም ህለው ነኡክድ። እተ ምስልሁመ ናይለ ነኡድርሰ ህሌን አርሰ መፍሁም ወመትጸበጢ ምስለ ሕሰትክ ምስል ክሉ ምህምቱ።

ክል አርእሰ ተኣንበት እት ህሌት ደረሰ፣ እለ አርእሰ እለ ሚ ትነፈሳ ገብእ እት ልብሎ ነፍሶም ልትሰኣሎ፣ ከምን እሊ እንዴ ትበገሰክ፣ ምን “ፈጅር እግል ልንፈሰክምቱ ወእት እምተሓን እግል ልምጸኡምቱ” ለልብል ሐብሬ ወኪን ራቴዕ መዕሉማት ወእት ሐዶቶም ሚ እግል ልንፈገም ክም ቀድር እግል ነኡፍህም ብኩ።

እብ ተውሳክ ህዬ፣ ምስለ ነኡድርሰ ህሌን አርእሰ ለገይሰ አምሳል እብ አክቦት ሕሰትክ፣ እምበል ጨቅጥ ዶል

እንወድዮ፣ ደረሰ ሰኒ ልፍህመኩ። ክእነ ውድዮት ህዬ፣ እት አመሮት ሕሳብ ተረት ዐባይቡ ሰበቡ፣ ሕሳብ መብዝሐ ወቅት ፈሀምቱ ለለአትሐዝዮ። ደረሳመ ምደርሰ ለአርእሰ ኢሸርሐዩ ምን ገብእ፣ ቀደም እት ሕፍዝ አቲክ፣ ተርጀመትለ አርእሰ እግል ንፍህም ንጀርብ።

ለ. እብ ለቀለት መሰል ነኡንብት ሕሳብ ክሉ ወቅት ምንለ ቀለት አሰክለ ከበደት መሰልቱ ለገይሰ። ሰበት እሊ ሰኣዮት እንዴ ይእንበትክ፣ እበ ቀሊል ለነኡምሩ እብ መትብጋስ አሰክ ለኩበደ አርእሰ ነጃርር።

ሐ. በሰር መትነፈሶት እሊ ምደርሲን ቀደም ሸፊሕ አንበቶትክ፣ ምስለ እግል ነኡድርሰክ ሓሰባም ለህሌን አርእሰ ለገይሰ እት አምዕላይ መንበሮ ለሳድፍ አምሳል እብ አምጸኦት ደረሰ እብ አጥራፎም ክም ልሸዕሮ እግል ንውዴ ብኩ። ደረሳመ እት ክም እኒ ለመሰል ሓላት፣ ሓጃት ምስል ደዋይሕክ አትጸባጥ እት ፈሀምክ ዐባይ ተረት ቡ።

መ. ምስል ጀማዕትክ እንዴ ገእነ እንዴ ይእንፈርህ፣ ምህም መፍሁምለ አርእሰ ሐቆ ኢትፈሀሚክ እግል ንትሰኣል ወጅብ።


ሐት ሐቱ ዶል ምን ሕነ ለእንሸቄ እበ ገበደ ወናይኒ ፈሀም ናይ ብዕዳም እግል ልሐሰ ሰበት ቀድር፣ እግል መልሂትክ “እለ ፍክር አነ ክእኒ ፍሁመ ህሌኮ፣ እንተ ህዬ” እት እንብል ንትሰኣል።

ረ. አክትብት እብ ፈተሸት፣ ሰኒ ወቀሊል አምሳል ለብእቱ ወእብ ራትዐት ወቀላል ልቀት ለትከተቡ ወእግል ልትፈሀመክ ለቀድር ክታብ ንፈትሸ ወእቡ ሕፍዝክ ነኡብዴ።

ሰ. ሰኣላት እግል ነፍሰክ እብ አዳላይ፣ ሐቆ ወቅት ሐጨር እብ በይኑ እግል ንሸቀዩን ንጀርብ ወመልሂትክ ንትሰኣል።

ቀ. ፍንቱያም ለለአትዐጆሶ አሰኣለት ሕሳብ እብ አክቦት እግል ነፍሰክ ንትሰኣል ወእንዴ አትሌክ ጀማዕትክ።

ከሓይሳም ሸባን ደረሰ፣ እት መድረሰት እብ ዕመማይ ወእት ሕሳብ እብ ፍንቱይ እግል ንትዐውት እለን እት ለዐል ለሰሜናህን ንቃጥ እብ ዋጅብ ንውዴ። ሰበቡ፣ ሕሳብ አሳሰ ወእም ዕልም ሐቆ ገብእ፣ አሳሰ አምርክ ወአሳሰ ተጠውር እግል ምጅተመዕኑ እግል ንግበበእ፣ ፈሀምክ እት ሕሳብ ነኡክድ ወንተረድ።



እብ መክበፎ ወጠክ ሸባን፣ ወደረሰ ኤጀቱ፣ ለክትጸኢ ሰፍሐት

ልግብ

መደት ሐቲ ዎሮት ሰኒ ትሩድ ላቲ መፌካይ ዕጩይ፡ ዲብ ዎሮ ዘሪበት ዝቤ ዕጩይ ለዐለት እሉ ነፈር እንዴ ጌሎ ሽቅል እግል ለአትዩ ትሰእለዩ። ለነፈርመ እተ ሽቅል አተዩ፡ ለልትሆቡ ማል በህለት ማህዩቱ ሰኔት ዐለት፡ ወላመ ተዩልልላ ሽቅል እተ ክምሰልህ ለረዬሕ ዐለ። እብላ ምስምሰ እሊ መፌካይላ ዕጩይ ዐደድላ እላቡ ሒለት እግል ልትጸገም ነው። ለዐሚሁ ፋስ እንዴ ሀበዩ ለባካት ለእቲ ሽቄ አርአዩ።

ስልፋይት ምዕሉ ለእናስ 18 ዕጩት በተካ ወእበን ዔረ። ለዐሚሁ እሊ ክም ረኣ “ፋርሰ” እንዴ ቤለዩ፡ ለሽቅሉ እብላ ትመሰል ገበይ እግል ለአተላልዩ አሰአለዩ።

ለእናስ እሊ ሀገጊት ዐሚሁ ሰኒ ሰበት አትናየተዩ፡ እተ ካልኣይት ምዕሉመ ብዙሕ ትጸገመ፡ ምናተ 15 ዕጩት ሌጠ በትካ ከእበን ዔረ። ላመ ሳልሳይት ምዕሉ ምን ጸገም ሐቲመ ይሐድጉ፡ ምናተ 10 ዕጩት ሌጠ እበን ዔረ። ወእብላህ ለሽቅሉ ምን ምዕል እት ምዕል እት ልህገጌ ወለእሉ በትካ ዕጩይመ ምን ምዕል እት ምዕል እት ልውሕድ ጌሰ።

“ለሒለትዬ ትድዕፍ ህሉት ገብእ” ምስል ነፍሱ ተሃገ። አሰክለ ዐሚሁ እንዴ ጌሰ እግል ኢልጥበጥ እቲ ትረጃዩ ወሚ ትጀሬ እቲ ክም ህሉት እግል ለአምር ቃድር ክም ይህለ አሰአለዩ።

“እሊ ፋሰከ ለናይ ደንጎበ ምዕል ለአብቀፅህ እተ ምዶል ዐለት?” እት ልብል ለዐሚሁ ሰኣል ወጀህ አቲ።

“አብቀፅህ?” ትብል ህሊክ፡ አነ ለፋሰዬ ለአበቄዕ እቲ ወቅት የዐለ እግልዬ፡ ለዕጩይ እግል እግትክ እብ ክለ ሒለትዬ ተሐት ወለዐል እብል ሰበት ዐልኩ፡ ሰኒ መሽቁል ዐልኩ፡ ወቅት ለፋሰ አበቄዕ እቲ ይዐለ እግልዬ” ቤለዩ።

ከእዲና ኣክል ሕድ ክም እለ ሰፊት እላተ ለትመሰል። ሐት ሐቲ ዶል ምን ክትርመ መሸቁሊን እንገብእ፡ ለፋሰ ለነአበቄዕ እቲ ወቅት እንሰእን። ዲብ እሊ እቲ ህሉነ ዘበን፡ ለገብእ ምኒነ ቀደም እለ ረኢሁ ለኢኮን መሻቅል ህለ እሉ፡ ምናተ ዐደድ እሊ ለህለ እሉ መሻቅል ለትገብእ ለውቀት ላተ ኢረክብ።

ከእሊ እብ ሚ ምስምሳቲ ገብእ? ሕነ እብ ከፎ ክል ዶል “ባቅዓም” እት ሕነ ክም እንጸኔሕ ትረሰህን ገብእ? አሰር እዲነ እግል ንሰዔ ወእብ ብዝሓም መጸግም ምን ንትሻቅልመ ምሽክለት ለቡ ጋር ኢኮን፡ ምናተ ዐደድ እብ አማን እግል ሐዶትነ ሰኒ ምህማም ላቶም ጋራት ነምል እግል ንትሻቅል አሰብኩ። በህለት ክም ናይነ ናይ ኖስነ ተዩልል እዲነ፡ ወእተ ክምሰልሁ ምስል ካልቅነ ለንትራኩብ እቲ ወቅት እግል ንክሰሰ ብኩ፡ እግል ኡሰረትነ ብዙሕ ወቅት እግል ነሀበ ለአትሐዜነ፡ እግል ቅራኣት ወብዕድ ምህማም ለቶም ጋራት ለገብእ ወቅትመ እግል ለህሌ እግልነ ወጅብ።

ሕነ ክላትነ እግል ራሐት ወአማደዶት ለገብእ ወቅት፡ ወእግል ሕሳብ ወፍክር ከገብእ ወቅት፡ ወእተ ክምሰልሁ ለንትዐለም እቲ ወነዐቤ እቲ ወቅት ለአትሐዜነ።

ከምን እሉ ብነ ወቅት “ለፋሰነ” ለነአበቄዕ እቲ ወቅት ሐቀ ኢከሰሰነ፡ ሒለትነ ወላመ ዐቅልዩትነ ወለፍክርነ ሰበት ገቤሕ ወለሐውን፡ እግል ጸገም ምን ንትበገሰመ ሐቲመ እግል ነአውቄ ይእንቀድር።



ተበሰም

እናስ ዎሮ ለለአትሐዝዩ ጋራት እግል ልትዛቤ ዕዳገ ትከረ። ዲብ እት ለአንገዋጌ፡ አመተ አለቡ ዎሮት እብ ምረሐሩ እንዴ መጽኢ እተ ገዱ ከፊት ረግሐዩ። ህቲ ህዩ ውልብ እንዴ ቤለ እቲ እግል ልትበኣሱ ሐዜ። ለእናስ ህዩ እብ ክሉ ቀልቡ “ኢትጽበጥ እትዬ ሳምሓኒ፡ አነ ቀለጥኩ፡ ፍላን መሰልክ ዲብዬ” ቤለዩ።

ለእናስ ለዝበጥ ዐለ ህዩ እሊ እዕትዛር እሊ ሰበት ይአግነዐ እሉ፡ ዲብ ሕድ ትጸበጠው ጩጭ ወደው። ሕድ ለአድሕኖ ክም ኢመሰለው፡ እተ ባካቶም ለዐለው አንፋር አሰክ ቃዲ እግል ሊጊሶ ወዲቡ እግል ልትሻከው መክረዎም። አሰክለ ቃዲ ክም ጌሰው፡ ለቃዲ ህዩ ሰድፈት ዎሮት ምን አቅራብለ እኩይ ዋዲ ዐለ እናስ ጸንሐ። ለቀድዩቶም ክም ሰምዐ ህዩ፡ እግለ ቅሩቡ ላቲ ነፈር “ደሐንቲ ኢትትሃለግ፡ እለ መለገት እለ ኖሰዬ እግል ኢባልሐክ ምናቲ!” እበ ተአሰሚዕ ገበይ፡ ዕንቲ ቅምጭ አበለ እሉ። እግለ ቅሩቡ፡20 ጀኒ እግለ ዝበጥ ለዐለ ነፈር እግል ልድፈዕ ሐክመ።

ህቲ ህዩ “መንሳኽ ቃዲ፡ አነ አዜ አክል እሊ ለገብእ ማል አለቡ ጎርዬ፡ ከሚ እግል ኢዴቲ?” ቤለዩ።

ለቃዲ አዜመ ዕንቲ ቅምጭ እንዴ አበለ እሉ፡ “ደሐንቲ፡ ዐድ እንዴ ጊሰክ ከለማል እንዴ ጸበጥክ እብ ሽፋግ ምጸእ። እሊ እናስ ህዩ አሰክ እንተ እበ ማል ትመጽእ እትለ ምስልዬ እግል ልታኪካ ቲ” ቤለዩ።

ለእናስ ለሃብጥ ዐለ ጌሎ ወነፈር ለዝበጥ ዐለ ምስለ ቃዲ ትገሰ። ምናተ ወቅት ሐልፈ ወለእናስ ክሉ ረእሱ መጽኢ አበ። ሐቀ መደት ለነፈር እሊ ቃዲ ክም ተልህ እቲ ፈሀመ፡ ወካሰተን ለእግል ልፍሀመ ቃድር ለይዐለ እቅማጩትለ ዕንቲ ክም ፈቅዶ ሚ ወደ መሰለኩም?

እብጣሩ ገብኦ፡ ከአሰክለ ቃዲ እንዴ ቀርብ፡ እተ ምልትሐ ከፊት ዶል ረግሐዩ፡ ለቃዲ እተ አከኑ ዐንበልበለ ወለዕመቲ ምን ረእሱ ነፍረት..ወሐቀሀ፡ “ለቀሪምዬ ለ 20 ጀኒ አምጸአየን ምን ገብእ ንሰኣን፡ ጥሉቀን እግልክ ህሊኩ፡ ሐላል ልግበእ እግልክ” ቤለዩ ወአሰክ ዐዱ ትበገሰ።

አደብ ሰኒ እግል ሚ ለአትሐዜክ?

አደብ ሰኒ እግለ ምዕልታይት ብዕዳም ልብ ዶል ከሩ እትክ ወእግለ ሰኒ አደብክ ዶል ልትረይሖ፡ እንተ እተ ዶል ለሀ ለበዝሐ እሕትራም ወሕሸመት እግል ትርኩብ ምኖም ተአስትህል።

አደብ ሰኒ ክሉ ክም ቀርበክ ወዴ - ሰኒ አደቡ ላቲ ንፈር ክሉ ቀርቡ ወፈትዩ። እንተ አደብክ ሰኒ ወበዐል ጠቤዕ ግሩም ገብኣክ ምን ገብእ፡ ለእሎም ተሐሬ መሳኒት ወለእለ ትትሸነህ ዕላቀት እግል ትርኩብ ትቀድር። ብዕዳም ክም ልትረይሖ እግልክ ትወዴ፡ ብዕዳም እተ ባክ ዶል ልክልቅ ለዳይት ገብእ እሉ።

በህል እ'መራም

ገሌ ምን መባልሰ አሚሪካይ ኬትባይ፡ ፍልሰ ወሻዕር - ጀርጅ ሳንታያኖ

- ውላድ ኣደሚ እብ ክሱስ ሚ ለሐሰቦ ክም ህለው እግል ተአምር ሐቀ ሐዜኩ፡ ለእለ ወዱ ህለው አተቃብል እንድኢኮን ለእለ ልብሎ ኢትትሐሰር እተ።
- እት ወቅት ሐርብ ለትትረኤ ለውቀት ፍንቲይ ጠቤዕ ናይ ጁንዲ ቲ፡ ምናተ እት ሚርሓይ ዶል ትትረኤ እት ብቀት ለትከሬ ጠቢዐት ቲ፡ ምን በዐል ሲያሰት ዶል ትትረኤ ህዩ ክሉ ለለአብዩ ወክከረ ጀራመት ቲ።
- ሕካም ጃኢሪን ኣሕራር ለገብኦ እቲ ወቅት ህለ ምን ገብእ ሰኒ ሐዳይ ቲ፡ ህቶም ለሀመት ወአላትለ ጀኣረቶም አግብረን ወድያሆም።
- ወድ ኣደሚ ጁቅራፍየት ለተሐክመ ሩሕ ሐቀ ገብኦ፡ ምን እለ ለተኣኪ እሃነት ህሉት ኢመሰለኒ።
- ተዕለሙ እት መድረሰት ሌጠ ለለአተኽብ ጀኒ ህቲ ለኢተዐለመ ጀና ቲ።
- ድቁብቲ ለእንብሉ ወቀይ እተ ዶሉ እግል ኒደዩ ለእንቀድር ገብእ እት ህሉ ምስተሐልቲ ለእንብሉ ህዩ እግል ልትመም ገሌ ቅሩብ ወቅት ረዩም ለነሰእ ቲ።
- ዐቅል በህለት፡ እግለ ጋራት አክል ሕድ ክመ እለ ህለው እት ሐጪር ወቅት ዶል እንርእዮም ቲ።
- ወድ ኣደሚ እበ ልትባደሉ ሓዶን ሕኔት ልትአየሱ፡ ወለ መንፈዐት ኢልርኩብ ምኑ እግል ቀይም ምን ፈቲ ሌጠ ወሐሰዩ።
- አማን ክል ዶል ሽዋኪት ወመራር ቲ፡ ምናተ እግል ንፍተዩ እንቀድር፡ ወሀታመ እግለ ፈትወ አሕራር ትወድዮም።
- እብ ክሱስ ዐቦት ብዙሕ ለለሐሰቦ አንፋር፡ ህቶም እብ ክምየት ቲ ለለዐቡረ እንዴኢኮን እብ ከይፍየት ኢኮን።
- እንተ ሕሽም መልሀዬ፡ ዎሮት ነፈር ድግለል ሕኔት ተዓርዱ፡ እግል ትፍሀሙ እግል ትጀርብ ወጅበኩ።
- ደግየት ዘመናይት በደለ ናይ ንቃሽ ቲ፡ ወመንፈዐተ ህዩ እግለ አከው ጋራት ህቶም ለሐሰው ክም ቶም ተአተምሰል።
- እግር ወድ ሰብ እት ወጠኑ እግል ትትሸረብ ወጅብ፡ ምናተ ለክልኤ ዕንቲታቲ እግለ እዲነ እግል ለአክተሸፈ ወጅበን።
- እሎም ለቀዳሚቶም እንዴ ትረሰዐወ ክሉ ረእሰ ለኢልትፋቀደ፡ ምን ሐዲሰ አግል ልድጎመ ክቲብ እቶም ህሉ።

ተርጀመት መሰል

“ህዳይ ተሐዜ ወራዝት ሽከም ተአቤ”

ክል ዶል ዲብ እለ እዲነ ለገብኣት ጋራት ወልውሕድ ወበዜሕ እንዴ ኢኮን ላዝም ቲ ዐውል ቤ፡ ከምራድ ናይ ገሌ ሰንዐት ሐቀ ለህሌ እግልኩ፡ ኒበል ዐውቲ እግል ትትሰርጌ፡ እግል ትትዐለም፡ መንበረት ሰኔት እግል ትንበር ሐቀ ትትሸነህ፡ እሎም ጋራት እሎም ዐውሎም ተዐብ ወጃህድ ውበዙሕ ሰብር ክም ቲ እግል ተአምር ብእትኩ። ከእትሊ ምራድክ እግል ትብጸሕ እግል እሎም ክሎም መቅጠን እግል ቲዴ ለአትሐዜክ፡ ወእለ ለትሰረረት እንተ እት ምግላይክ እት እንተ፡ አውመ ምን ተዐብ ዕርፍ ወምን ጁሁድ ረህየት ሐቀ ሐዜኩ፡ እሎም እት ምራድክ ለህለው ጋራት ወእንተ ክልኤ ገበይ ትነሰኣ። ከክል ዶል ዐውለ ጋራት አክል አዩ ክም ቲ እግል ንፍሀም ወሐር እሉ እግል ነአትምም ሰብር ወክሃላት ክም ለአትሐዜነ እግል ነአምር ብዲብኩ። በህለት ጣፍሐት ሐዜነ ምን ገብእ ታክለት እግል ንትዐዴ፡ ወጥዕም ሐዜነ ምን ገብእ መራር እግል ንገርዴዕ ላዝም ክም ቲ ፍሂም ለአትሐዜነ።

ለህሉ ልትበሰጦ ወሰኔት ሌጠ ትትሰምዖም። እንተ እግል ብዕዳም ረሕመት ወሐናነት ተአርኤ ዶል ገብኣኩ፡ ወሕሳብክ ትወዴ እሎም፡ ወተሐሸሞም ወትትፈክሮም ዶል ገብኣኩ፡ ብዙሕ ሰላም ወፈተ ወመሰንዦት ለብእቲ ድዋራት እግል ትክለቅ እበ ለትቀድር ሒለት ብኩ።

አደብ ሰኒ ሕሸመት ኖሰ ከልቅ - ሰብ አደብ ሰኒ ላቶም አንፋር ዐባዩ ልግቦኦ መነኣይሽ፡ እግል ብዕዳም ሕሸመት ሰበት ለሀይቦ፡ እሊ ናይ ነፍሶም ሕሸመት እግል ልብነው ሰድዮም። ሕሸመት ኖሰ ለሶም አንፋር፡ ለእለ ልትሸንህ ወምራዶም ለቲ ጋራት እግል ልርከቦ እት ቀደሞምም ትበጥር አለሶም።


ደሐን እዲናክ ትትዐቀብ እግልክ - ክል ዶል አደብ ሰኒ ለልተለው አንፋር፡ ርሐም ምነ ብቀት ለብእቲ ወሕሙድ ለኢኮን ዐዋቅብ ለቡ ተዩልል በርደን ሰላመን ቶም። በህለት ህቶም ወለ እግል ሽራርያም ወሰብ ኣክይድሰ ላቶም አንፋርመ ሕሸመት ሰበት ኢከልኦ ቲ። አደብ ሰኒ እንተ ፍንቲይ ወመሰለክ ለአለቡ ነፈር ክም እንተ ክም ልትሰምዐክ ወዴ - ዲብ እሊ አዜ ለህሌነ እቲ ዘመን፡ ሰብ አደብ ሰኒ፡ ሰኒ ሐዳም ቶም። ለሰኒ አደሶም እት ድዋራቶም ክም ልትረኤ ወልትአመር ለወዱ አንፋር፡ ሰሙያም ወክሉ ለልሐሸሞም፡ አካነቶም እተ ምጅተመዕ ህዩ ሰኒ ውቅልት ቲ። ከአደብ ሰኒ ዶል ንተሉ፡ እንሰኔ ድኢኮን እለ ከሬ ምኒነ አለቡ ወዐውልመ ኢለሐዜ ምኒነ።

ዝበድ ዛዖታት

እት ቀበት እሊ ወሬሕ እሊ ለጀሩ ጋራት እሶም ኢትሕሰብ፡ እት ቀበት እለ ሰነት ለጀሩ ጋራት እሶም ኢትትሻቅል፡ እንተ እትለን ቀደሚክ ለህለዩ 24 ሰዐት ሌጠ ረክዝ ወሒለትክ ላተ ሌጠ ትጸገም፡ እሊቲ ህዩ ቅሩባይላ ሽንህትክ ወለህለ እግልክ ምራድ ለለአበጽሐኩ።

መዕሉመት

• እግለ እት ሰካብ ትሩድ ለህለ ነፈር፡ ምን ሰካብ እንዴ አደንገጽክ ከንፋዝ እት እንቲ ዶል ተሀርሱ፡ እተ ሐግኩቲ ክል ዶል ምስሉ ለትነብር መደረት እግል ልሰብ እቲ ቀድር።



ንያት ርእሶም ተወወተ



ማሌ ለሀ ቀዳሚት ዲብ ባካት ሞናፖልዮ ዲብላ ጉብኦ ናይ መአምበት ጅግረ ዐጀላት እግል ዳውራይ ካስ ኦቅሊም ምግብ፡ መትባድራይ አወላይ ደውሪ ናዲ ኤራቴል ንያት ርእሶም ተወወተ።

አወላይ ደውሪ 110 ኪሎሜተር እግል ልገልብቦ 71 መትጃግረት ዲብ ጅግረ እተ ኣተው እቲ ወክድ፡ እብ መስኡል እዳረት ወማልየት መፈወድየት ዓዳት ወርያደት ኤረትርየ ሌ/ኮ ሳሚኤል ጸጋይ ለክስተየ መናሰበት፡ መትጃግረት ምን ናይ መአምበት ደውራት ዲብ ከረርም ትካፈለው።

ሐድ 40 ኪሎሜተር ክምሰል ሄረረው ዲብ ዱር ርዋንደ ናይ ንቅጠት ማልየት ለተወወተ ዳዊት የማኔ ምን ኣስቤኮ ዐጀለት ሰበት ከርበት ምኑ፡ ለዐቢ ክራም እግል ልፈንትዩ ትጻገሙ። ዲብ እሊ ወክድ እሊቱ ህዩ ለአወላይት ሻፍገት ጅግረ ለዐሬት። ኣማንኤል መሓሪ ኤራቴል ልትወወት እት ህሉ፡ ሚሮን ክብረኣብ ወቶማስ ጎይትኣም ክልኢቶም ምን ኣስቤኮ ካልኣይ ወሳልሳይ ፈግረው። እለ መጅሙዐት እለ ገያደተ ምን ወቅት እት ወቅት እት ዘይድ ጌሰ።

ዲብላ ብዝሓም ፈተኛ ርያደት ብድረ ዐጀላት ለሐድረው እቲ ትልህዩ፡ ንያት፡ እግል ፊሊጶስ ክብረኣብ ምን ሰምበል ክምሰልሁመ እግል ፊልሞን ነጋሲ ምን ኣስቤኮ እንዴ በድራቱ ዲብ እለ ዐውቴ ዐባይ ለበጽሐ።

ደውሪ ፕሪመር ሊግ ዲብ ዮም 7 ወ8 ማርስ

- ልሽርፑል ምስል ቦርኖስ 2 እብ 1
- ኣርሰናል ምስል ዌስትሃም 1 እብ 0
- ሺቬልድ ዩናይትድ ምስል ኖርዊች 1 እብ 0
- ቤርናሊ ምስል ቶተንሃም 1 እብ 1
- ማን ዩናይትድ ምስል ማን ሲቲ 2 እብ 0
- ክሪስታል ፓላስ ምስል ዋተፎርድ 1 እብ 0
- ፔልሲ ምስል ኢቨርቶን 4 እብ 0
- ሊስተርሲቲ ምስል ኣስቶንቪሊ 4 እብ 0 ተፈነተዩ።

ትልህዩ ፕሪመርሊግ ሰንበት ንኢሸ ዮም 14/3/2020

- ደውሪ ሳዓት
- ዎትፎርድ ምስል ልስተር ሲቲ 3:00
 - ኖርዊች ምስል ሳውሳምቶን 6:00
 - ማን ሲቲ ምስል ቤርኒሊ 6:00
 - ብራይቶን ምስል ኣርሰናል 6:00
 - ኒውካስትል ዩናይትድ ምስል ሺቬልድዩንያትድ 6:00
 - ቦርኖምስ ምስል ክሪስታል ፓላስ 6:00

ትልህዩ ፕሪመርሊግ ሰንበት ዐባይ ዮም 15/3/2020

- ደውሪ ሳዓት
- ዌስትሃም ምስል ዎልቨርሃምብቶን 5:00
 - ቶተንሃም ምስል ማን ዩናይትድ 7:30



ጅግራታት 8 ማርስ

አስመራ፡

እብ መናሰበት ሰማን ማርስ ኣምዕል ኣዋልድ ኣንሳት፡ ትልህዩ ኩረት እግር ሰንበት ንኢሸ ዲብ ስታድዮም አስመራ አስተብደ። ገጅረት ቀደም ዕርፍ እበ ሰጅለቱ ሀደፍ እት ፈሪቅ ጎዳይፍ 1 እብ 0 ትትወወት እት ህሉት፡ ኢንሹራንስ ህዩ እግል ሰንገ ኮንስትራክሽን 6 እብ 0 ለመጨተ። ደንደን ምሰል እዳረት ሰምበል እተ ወደዩ ትልህዩ ዲብ ሰንበት ንኢሸ ጉብኦ፡ ታምም ዐውቴ ለኣርኣ ደንደን እግል መጃግራዩ ፈሪቅ 9 እብ 0 ቀልበዩ።

እሊ ጅግራታት እሊ በራኽ ምሰል ደንደን፡ ጎዳይፍ ምሰል ኢንሹራንስ ክምሰልሁመ ሰንገ ምሰል ገጅረት ዲብ ስታድዮም አስመራ እበ ወደያሁ ትልህዩታት ኣተላላ።

እሊ ክእነ ዲብ እንቱ ፈደረሸን ቲብል ቲኒስ ኣቅሊም ምግብ እብ መናሰበት ሰማን ማርስ ለዝመዩ ጅግራታትመ እተ ምዕል (08 ማርስ) ተመ። ምተሐት 16 ሰነት ለዓማሮም ውላድ ዲብለ ወደዉ ጅግረ ሶፎኒዮስ ሳምሶም፡



ናባይ በረኽት፡ ሮቤል ኣፈወርቂ ተወወተው። ሕድ እትለሽብህ ዕምር ኣዋልድ ኣንሳት ህዩ ሰሊሆም ዑብለሎም፡ ዮሳን ተከስተ ወሃነ ወልደገብረኤል ተወወተዮ።

ከረን

እብ መናሰበት 8 ማርስ እድንያይት ኣምዕል ኣዋልድ ኣንሳት ዲብ መዲነት ከረን ፍንጌ ፍረቅ ኩረት እግር ምዴርያት ኣስማፍ፡ ገለብ፡ ከረን፡ ዔለበርዕድ፡ ሐመልማሎ ወዐዲተክሌዛን ጉብእ

ለኣስመን ጅግራታት ኩረት እግር ኣንሳት ተ'መ። እብ ተውሳክ ማሌ ለሀ ቀዳሚት 8 ማርስ እብ ደረጃት ምዴርየት ከረን ለትዝመ ጅግረ ሰዐይ ናይ 100 ሜተር፡ 200 ሜተር፡ 400ሜተር፡ 800ሜተር፡ 1500ሜተር፡ 3000 ሜተር፡ ምተሐት 18 ሰነት ውላድ ወኣዋልድ ጉብኣ።

ባርንቶ

እብ መናሰበት 8 ማርስ ዲብ መዲነት ባርንቱ ጉብእ ለኣስመን ጅግራታት ኩረት እግር ኣዋልድ ተመ። ዲብላ ፍረቅ ኣዋልድ ኣንሳት ምዴርያት ገሉጅ፡ ተሰነይ፡ ሀይኮተ፡ ባርንቱ፡ ኣቅርደት ወለጎ ዐንሰበ ለሻረከዩ እቲ ጅግረ፡ ባርንቱ እንዴ ኢትትቀላብ እብ 15 ንቅጠት ኣወላይት ፈግር እት ህሉት ፈሪቅ ኣዋልድ ኣንሳት ኣቅርደት ህዩ እብ 10 ንቅጠት ካልኣይት ወተሰነይ እብ 6 ንቅጠት ሳልሳይት ፈግረዮ።



ርያደት ደረሰ ኣቅሊም ምግብ ልተላሌ

ፈሬዕ ውዛረት ተዕሊም ኣቅሊም ምግብ ለዝመዩ ጅግራታት ርያደት መአምብታይት ወምግባይት ደረጃት መዳርስ እብ ትልህዩታት ኩረት እግል ኩረት ሰለት ወሾሊብል ዲብለ ሐልፈ ሰንበት ኣተላላ።

ዲብ ትልህዩ ኩረት እግር ኣንሳት ዕምር 13 ሰነት ወምተሐቱ መድረሰት መደበር እግል እምበይቶ፡ መድረሰት መዕርነት እግል ጸዳዱ ሕድ እብለሸብ 1 ኣብ 0 ልትፈናተየ እት ህለዩ፡ ፈለጌ ምሰል ጎዳይፍ 0 እብ 0 ተፈናተዩ። ዲብ ሕድ ለሽብህ ዕምር ውላድ መድረሰት በለዝ እግል ወኪዱ 4 ኣብ 0 ትቀልበ እት ህሉት ሞዴል ምሰል መራብ 0 እብ 0 ክምሰልሁመ ዐዲጎዕዳድ ምሰል ሰምረት 1 ኣብ 1 ትፈናተዩ።

ዲብ ትልህዩ ኩረት እግር ምግባይ ደረጃት መዳርስ ዕምር 13 ሰነት ወምተሐቱ ኣዋልድ መድረሰት ሓድነት እግል ኣርበዕቱ አስመራ 3 እብ 1 በሕቲ መስከረም እግል ባነ 2 እብ 1፡ ርእሲ ዐዲ እግል ዐዲ-ጎዕዳድ 2 እብ 0 ቀልበዩ።

ዲብ ሕድ ለሽብህ ዕምር ውላድ ዲያእ እግል ሰሐርቲ 4 እብ 1፡ ሓድነት ምሰል ኣልኣመል 2 እብ 2 ክምሰልሁመ ፍሬ-ሰላም ምሰል ደቂ-ተሸም 0 እብ 0 ትፈናተዩ።

ትልህዩ ኩረት እግር ካልኣይ ደረጃት ዕምር 15 ወምተሐቱ ኣዋልድ ቀይሕ በሕሪ እግል ጸዕደ ክርስትያን 6 እብ 0፡ ባርክ እግል ሰምበል 4 ኣብ 1፡ ሓላይ እግል ደምቤ ሰምበል 3 እብ 0፡ አስመራ ሐፈሻዊ እግል ኣዱሊስ 2 እብ 1 ሰማእታት እግል ኢብራሂም ሰልጣን 1 እብ 0 ቀልበዩ።

ዲብ ሕድ ለሽብህ ዕምር ውላድ- አስመራ ሐፈሻዊ እግል ሓርነት 7 እብ 0፡ ልምዓት እግል ተክሊ-ዐገብ 6 እብ 1፡ ቀይሕ በሕሪ እግል ጸዕደ ክርስትያን 6 እብ 0፡ በርክ እግል ሰምበል 4 እብ 1፡ ሓላይ እግል ደምቤ ሰምበል 3 እብ

0፡ አስመራ ሐፈሻዊ እግል ኣዱሊስ 2 እብ 1፡ ሰመእታት እግል ኢብራሂም ሰልጣን 1 እብ 0፡ ቀልበዩ።

ዲብ ሕድ ለሽብህ ዕምር ውላድ ኣስመራ ሐፈሻዊ እግል ሓርነት 7 እብ 0፡ ልምዓት እግል ተክሊ-ዐገብ 6 ኣብ 1፡ ቀይሕ በሕሪ እግል ጸዕደ ክርስትያን፡ ሰመእታት እግል ኢብራሂም ሰልጣን እብ ሕድ ለሽብህ ፍገሪት 4 እብ 1 ቀልበዩ። ርእሲ ዐዲ እግል ኣዱሊስ፡ ሓላይ እግል ደምቤ ሰምበል እብ ሕድ ለሽብህ 2 እብ 1 ልትፈናተየ ዲብ ህለዩ፡ ዲያእ ምሰል ኢሳቅ ተወልዴመድህን ህዩ 2 እብ 2 ተዓደለዩ።

ሮናልዲኖ ተኣሰረ

ናይ በዲር ኮከብ መተልህያይ ባርስሎን ወኤሲሚላን ለዐለ ወድ ብራዚል ሮናልዲኖ እብ ሰብብ ልትነፊዕ እብ ለዐለ ለትሰነዐ ጀዋዝ ምሰል ሐሁ ዲብ ሐንቴ መርመረ ፖሊስ ፓራጓይ ክምሰል ህለ ትሸረሐ። ሮናልዲኖ ዲብ ድወል ግብለት ኣሜሪካ ናይ ተበረዓት ወራታት እተ ሳይር እቲ ለዐለ ወክድቱ ፖሊስ ፓራጓይ ዲብ ዑሩፍ እቲ ለዐለ ፋንድቅ እንዴ መጽኣው ለትሰነዐ ፓስፖርት ጸበዋክ እንዴ ቤለው ዲብ ሐንቴ ቀይድ ለኣተዉ።



ዝክረት ሰማን ማርሰ፡ ምዕል አንሳት ዐለም



እድንያይት ምዕል አንሳት ዐለም እት ገሌ ድወል እብ ዝክረት ወአሲራራት ጠለብ ሕቁቅ ትዝክር እት ሀሌት ዲብ ኤራትርየ እብ ሐበን ወረፊዕ ረአሲ፡ እብ ነያረት ወሄሳት ትፈቀደት። ክለን አቃሊም ፍንቱይ በራምጅ ዝመየ እሊ፡ ለትረከበ አሰክ

ድጌ፡ አቅሊም ቅ.በ.ቀየሕ፡ አቅሊም ግ.በ.ቀየሕ፡ አቅሊም ግብለት፡ ምግብ ሀይ ዲብ አስመረ ካቲመ ናይል እብ ምዴርያት ገብእ ለዐለ በራምጅ እሕትፋል ሰማን ማርሰ ገብአ።

ዲብ አቅሊም ምግብ ለዕለት ሳምን ዲብ ሀሌት ምን ሓድረት ሓለት ወጠን ወመሻረከት አንሳት ለክሰስ አላፍ አንሳት ለሻረከየ እቱ ሰሚናራት ገብአ፡ መዕረድ ሰወር እት መክተብ መርከቢ፡ ካቲመ በራምጅ ርያደት ገብአ። እት ምዕል ሰንበት ዐባይ ሰማን ማርሰ ሀይ ዲብ ኤክስፖ፡ ሱፈራ፡ ማርሐት ዲሽ ወጀብሀት፡ ዲፕሎማሲን ወብዕዳም ዕዙማም ለሐድረው እት ሐፍለት ገአት።

እግል እለ እብ ክሉ ፈን ሻባት ለተዐንደቀየ እለ ጋራትን፡ ለከሰተት አሰይደ አለም በላይ መስኡለት መሕበር ወጠን አዋልድ አንሳት ኤራትርየ አቅሊም ምግብ፡ ክሊመት መሕበር ቀደመት። እግል ሕርየት



ሐቀሀ ክሊመቱ ለአስመዐ መመቅረሓይ ሽቅል አቅሊም ምግብ አሰይድ ዘርኢት ኤራትርያት እት ከብድ አባይ፡ እት ካርጅ፡ እት ሕሩር ወሽብህ ሕሩር አራዲ እት

አንሳት እግል ልትወወት ደለ ቀድረ እግል ሊዲ ክምቱ አክደ።

መጅልስ አቅሊም፡ መሕበር ሽባብ ወብዕዳምመ እግል ታመት ሕርየት አንሳት እግል ልሽቀው ገለዶም አትሐደሰው። ሐቅ እሊ ለትፈናተ እት ለአትፋጌዕ ለልዕልም፡ እት ዝክርያት ለሽምም ወመራነት ለለፈሊሕ በራምጅ ፈን ትቀደመ። ሐቱ ምን ሐልየት እትሊ እያም ቅሩብ ለትወፊት እም አርበዕ ሽሂድ እግል ለተሐሌት እት ትገብእ፡ ሐልያየ ወልደ ምን ገብእ ለዐለ ዲብ ሽዑር ሐዘን ወሐበን ዲብ ገዱ ልትረኤ ዐለ። “ሻሉኪ” ለትብል ሰወር ለተለየ፡ እንዴ ኢበጸሐ በዐሉ ለአሰተሽህደ ጀዋብ ብእስ ለትከብተት፡ ሽሂደት ሕተ ኖሰ

መንቀርየሱ፡ ምን ወዘር ኻርጅየት ዐሰማን ሳሌሕ፡ ምን ወዘረት ዐድል ፎዝየ ሃሽም፡ ምን ርኢሰት መሕበር ተኸአ ተሰፋሚካኤል ጀዋእዘን ትከብተዮ። እሊ ዕልብ እለ እግል ዲብ ወጠንያይ እምትሓን ሳምናይ ፈሰል፡ ክምሰልሁመ ደረሰ ካልኣይት ደረጀት ወመዳርሰ ቱክኒክ ወተጃረት ለተወወተየ ለክምክምቱ። ንቃጠን ምን 98.4 -98.99 ልትመደድ።

እት ምዕል ኖሰ ምህንት መእለመ ለተዐለመየ ጸር መስኡልየት ዓይላት ለዋድቅ እትን 40 አንሳት ምን 17 ሻሃዳትን ነስአዮ። ውላደን ወሰብኦን ፈርሐቶም ወተጸዩዶም እግል ለአርኡ እት መሰረሕ እንዴ ዐርገው ማል ለሰርገውንመ ዐለው። እሊ ግረ አዩ እናሰ ዶሱር እሊት



ሕርየት ታመት ወመሳዋት ለዋሌ ዐውቲ እግል ልትሐፈዝ፡ እትላ ገበይ ሕርየት ወመሳዋት ለተክል ሀይ እብ ጸገም ሕበር እግል ልትንጌ ገለድ፡ ፈታይ ዐድል ወመሳዋት ምሰል ክም ሐቱ ቅልጭም እግል ልብጠር ገለድ እግል ለትሐድሰ ምርወት ወሐለት ለሴፊ በራምጅ ሀይ ትዝመ። አቅሊም ዐንሰበ ዲብ ሐጋት፡ አቅሊም ጋሽ በርክ ዲብ

ታመት ቀደም ነኣነጽር እንብል እት ሀሌነ ለእብ ንዳል መሪር ናይ አንሳት ወተብዕን ለትረከበ ሕቁቅ ወመሳዋት እንዴ ተሐፈዝ፡ ሐር እግል ልብለሱ ለልትሻቡብ አፍካር እንዴ እንጋብህ፡ አሰክ ታመት ሕርየት እንረክብ፡ አዘመ እብ ሕበር ለልሐባልክ ድንጉር አፍካር ወለመድ ዲብ እንወርኬ እግል ገሄርር ክምቱ አክደት።

ሚዳን፡ ምን ወቅተን፡ ማለን፡ ነሐረን ወአርወሐተን ሐቱ እንዴ ኢመመዐ ምን ናደለየ ወአናደለየ ዮም ሰብ ደውለት ጋብኣም ሀሌነ። ዶል ለእት ሰያደት ልትዐረድ ጃእር መጽኢያመ “ሰርገዬ ወጠንዬ” እንዴ ቤለየ ጀለ ወጠን ለትብትረየ ህተን ተን። ከእግልነ ቀድየት መሳዋት አንሳት ቀድየት ደሐን ወአምን ቀድየት ነበር ወሀለዮትት እንዴ ቤሊ፡ ለአቅሊም ዮምመ ክም ማሌሁ ሽቅል መሕበር



ለቀብረት፡ ወእንዴ ሐድገተ እት ድፊዕ ለጌሰት ምን ወለተ የአምረኪ ለቴለ ወለተ እበ ለተሓኪ ቅሰት አማንመ፡ በዐልል ቅሰት ሙናድለት አለም ገብሬእንድርያስ እት ምግብለ መሕበር ምን ዐለት፡ ወእግለ መተቅብላይ “እለ እነ!” እንዴ ትቤ ምን ተአመረት ምሰሉ፡ እግል ትዳለ ፈርያት ፈን ምን ግርመት ለሀበዩቱ።

ለመናሰበት አዋልድ እት ተዕሊም ለአርኢያህ ለሀለየ ዐቦት ለበየነትመ ዐለት። ዮም ዓመት ምን 90% ወለዐል ለረክበየ አንሳት አቅሊም ምግብ ምን በዝሐየ፡ ጀዋእዝ ለልትሀየበ ምን 98.2 ወለዐል ለአምጸኢያተን። ምን 71 ደረሳይት እት ቃዕት ኤክስፖ ምን ወዘረት ስያሐት አሰካሉ

ሀሌት ልትበህል ለነብረ ግረ አዩ እሊት ዶሰርት እናሰ ክም ሀለ ለትሸህድ ሓለትተ ሀይ ትበህለ እሊ።

መሻረከት ሻባት እት መሕበር ምን ወክድ እት ወክድ ትዘይድ ወተአወቁ ክም ሀሌት እትሊ ናይ ዮም ዓመት ዝያድ በርሀ። ለመሰሉ፡ በራምጅ ለመረሐ፡ ጋሽ ለልትሐደራ፡ ውራቅ ሰሚናራት ለለአዳላዮ፡ ለቀድመ ወለመረሐ ዕሉማት ሻባት ተን። እለ ለልርኤ፡ ዮም መሻረከት አንሳት ኤራትርየ ምን ከድቤትነ ሓልፈት ሀሌት፡ እት አግዋርነ ወዐለም እግል ትዝሀር ወትትአመር ለሀለ እነ ሽቡት ወዕላቃት ዲብ መዲድ እግል ገፈክር ወንትጸገም ብነ ለልብል ሽዑር ዘረኣ ዲብ።

